



03849

趙襄夢公贖墓卷第三

詩一 辛酉至戊子

任公釣臺

荆溪之中水如練荆溪之上臺如弁兀兀臺前一釣磯吞波截  
湍橫溪面相傳任叻來築此占盡風流賢刺史公餘無事學投  
綸至今嘖嘖芬人齒我聞使君最好賢冠蓋輻輳多翩翩鄭莊  
置驛常五日田田食客恒三千胡爲閒向溪頭釣落落烟波迎  
夕照一竿到處驚魚龍濯足滄浪寄長嘯吁嗟使君自有心公  
等碌碌誰知音隨波上下本無定食吾餌者爲吾擒多應自笑  
門如布聊傲當年釣鼈李虹霓爲絲月爲鉤啖以人閒媚骨士  
君不見金蘭把臂舊簪裾一朝遺棄如前魚西華公子窮途泣  
孝標慷慨絕交書只今惟有荆溪月爲公千載留清白昨夜秋  
風捲碧濤臺空烟鎖無人迹


趙襄夢公贖墓卷第三

月下觀惠山泉二首

此夜清輝好來尋第二泉影分揚子月光近太湖天古砌涵秋  
色空亭帶晚烟半輪愁滴斜照石欄邊  
爲愛團欒景重來翠壁閒有心常對月無意復看山亭浸寒光  
關泉流素影閒徘徊九龍下疑是戲珠還

陽羨采茶歌

采茶天三月布穀遞埜烟驚雷嫩莢纔抽綠處處開園好摘鮮  
采茶山蝦虎城頭罨畫灣昔傳天使來唐貢揀得冰芽逐笑顏  
采茶人一筐收盡滿山春更有小僮能解事帶汲金沙欲試新  
采茶路飛青疊翠迷如霧任教裁璧與抽金暗香猶向蹊閒度  
采茶名紗帽棋盤並紫英別有靈芽稱廟後龍團鳳餅何足評



采茶焙竹爐松火聲如雷研膏架動蒸且醱紛紛但見販芽來  
采茶市漲沙羅峯憑君指品到人間第一茗其價直與黃金比  
我今連唱采茶歌風生兩腋信如何假使濁醪能解渴敢笑盧  
仝椀數多天生佳種實靈奇烹之有法采有時才人意味逾清  
苦定知茗戰甘如霽畢竟愁腸無浣地旗槍那得都如意君不  
見陽羨之茶中冷泉人閒兩美天涯異

擬冬日演武場較射畢同登君山游宴

鷓鴣騰秋遠蛟龍變化時珠璣先炫目弓矢待搜奇建纛開正  
鵠登壇校武罷嫖姚爭獻技蹠蹠盡長嘶枯草隨翎沒鳴潮逐  
鼓移一聲魚貫集二箭驥羣追野闊譁音噪山高晚色披韜戈  
出畫帳歷磴度層陂樽綠消餘興江紅映夜黎峻巒燈閃爍斜  
壁馬舒遲飲酒宜詩檄冬寒喜獵馳雅歌添逸趣觴宴應昌期  
盛世惟觀德元戎慰素思

壽岳公臆臺卷第三

一

擬冬至南郊禮成恭紀二十韻

丹厯千秋永黃鍾一日開飛葭迎瑞靄緝管靜寒雷陽始天休  
降升中 帝輦來六龍珠耀彩五鳳玉銜枚配享瞻彤砌陪壇  
薦紫杯陶匏羅海甸柴帛接星台羽綴瑤階舞簫聲碧月催嵩  
呼齊鷺序嶽拜繞鸞臺寶篆沈香結祥花彩燭裁慶雲籠繡幕  
甘露灑金鬘萬歲山頭震三光轂上廻冕旒垂肅穆籟豆徹埏  
垓北極迎新祉南郊闕夏陔廻輿應絳雪警蹕軼蒼苔歧穗盈  
疇穫芝英滿陌栽醴泉隨湧穴瓜棗獻蓬萊虞鬯行宗岱姬筵  
肇有邵元音超舜樂御籙駕周禎青瑣思揮翰華封辱賜醅綫  
添多淑氣早折上林梅

壽岳母龔夫人五十初度

三月春光春欲暮錯愛春光春再度黃鸝送春柳如烟紫燕迎  
春花似霧捲簾貪看燕蹁躑卻逢青鳥銜雲箋昨夜瑤池桃已  
熟王母親摘鋪華筵荷香馥郁蘭香濃寶婺髣髴臨其中爲羨  
瓊樓不耐署畫堂結悅逞春風瀛洲掇棗如瓜大豈須沈綠輿  
浮紅花茵柳幕堆珍果指點蓬萊第幾宮宣公閱閣名貫耳渤  
海來嬪眞女士但聞內助古有稱瞻拜母儀洵罕似寒門三世  
締金蘭辱教蘿萼攀珠玕鐘郝芳型時接目敢隨彤管快濡翰  
風絮才思徒炫綺鸞曜齊眉還足鄙我瞻壺範不尋常奚但蘋  
蘩相夫子玉樹高鶯獨軼羣吸月吞雲傲青紫瑜珥蘭芽遶膝  
前英英頭角充閭社滿庭斑綵喜欲狂拜獻一觴復一觴我亦  
從茲陳酒醴青衫羞對舊東牀拂拭東牀思總卅十年前事渾  
如幻曾攜玉鏡甥館棲授衣授粲餘恩盼駑馬伏櫪嘗踟躕緊  
母不嫌戀豆棧鷓枝自甘菘菜紛繫母將雛無悔訕相收愧廁  
冰玉列涓陽幸映花萼牒我登吧巔懷北堂拜母依稀萱影接  
幼年未解舞斑衣今朝歎羨心馳獵爰傍門楣肅復歌錦堂佳  
宴慶如何永錫期頤纔紀半竚看環珮徹鳴珂喜駐丹顏應不  
老待周甲子祝三多人生吉祥隨所受天倫樂事居八九爲詠  
周詩思媚篇肅肅雍雍嘉祉綿

七夕步十叔韻

雲暮星稠早露濃依稀烏鵲架成梁參商終歲應穿眼牛女今  
宵解別腸會少離多愁淡漢晝長漏短怨斜陽來朝重起相思  
夢淚滴機絲色更涼

詠綠牡丹

小院名葩絕代無雨餘新翠出叢孤芳姿點染勞青帝媚態依

稀見綠珠色借苔紋春自占影分竹葉望來殊徐熙好倩閨中  
黛別寫雕欄富貴圖

沁園春

用陳其年烏絲詞韻

似紙才名如霧前程真難主張但袖中短刺行乎且止懷中美  
玉沾也還藏劍吐芙蓉詩成芍藥誰道斯文獨擅場從前誤枉  
傾殘墨雨走禿毫霜半生閱盡炎涼更躑躅長安別故鄉豈  
畫手新翻多調脂粉阿婆未老自作衣裳鬼縱擲揄天雖懞懂  
奇字驚人恥問楊春來矣且尋梅野外領取寒香

詠梅

荒徑春風外細梅夢漸舒夕陽餘澹蕩野外恰清疏庚嶺枝何  
在含章殿已虛獨憐何水部東閣只吟渠

蒙陰道上步雪

趙秉華公贍囊卷第二

四

淝帆奇峯簇馬前紛紛雪無散寒烟黛橫遠岫明如畫粉貼疏  
林老更妍一片素光浮曠野幾層空影落平川相逢誰是剡溪  
客把酒尋梅臘月天

菊月五日呂東曙邀遊青山莊步少陵游何將軍山林韻

十首

泛艇青山外莊前臥小橋廊斜常引月峯絕欲凌霄面壁光如  
畫臨池影自招勝游期歷盡佳境故迢遙

萬籟從空發秋聲入耳清畫梁纔別燕古木乍遷鶯菊綻淵明  
徑萼香張翰羹幾灣流曲水疑在島中行

小山坳叢桂花重蒂難支滿地鋪金椀盤根浸石池迎風香自

透落日影先知暫憩空亭頂羅衣且散披

中有小山  
坳植桂

最愛亭池好環栽君子花葉翻驚鳥雀枝臥走龍蛇遊倦香偏

引詩狂酒易賒依稀蘇學士蓮炬送歸家

中有靜香亭種荷

遶砌羅嘉蔭參差小岫開愚亭臨古柏客社傍寒梅野色隨雲起秋聲逐樹來但看隔岸影一片碧於苔

中有又愚亭五客社

孤塔身橫嶺雙菴面湧泉老藤常掛網衰柳斷飛綿蟬噪林添籟魚驚浪舞錢園亭多勝景獨讓吐長川

中有小塔并水香諸菴

點綴蓬萊界惟聞細草香枕流邀晚月坐磴浴新涼迷客秋耽興名園烟鎖藏主人愁寂寞山水自蒼蒼

負郭鋤雲頃環郵畜鯉池讀書翻鄴架醉酒倒山籬野趣酬吾癖嬉游學小兒自來幽勝地清夢影相隨

迤邐西堂外迴看滿苑雲欄杆紅結字石壁粉鏤文途路隨花指聯吟信口分園林爭餞客但有落英紛

西堂前有長廊壁鏤日新月

白眼長如此青山景奈何阮途應未到謝屐不堪多揮手時狂嘯移舟復醉歌歸來忘寫繪明日可重過

趙養善公贍齋卷三

五

翌日復偕叔弟同遊步少陵重過何氏韻五首

再理扁舟棹重飛雁足書停樽邀碧月拾翠傍青廬

是日遊人頗眾樹

密無驚鳥橋平有躍魚敲門引從客幾訝是吾居望苑虹初結穿廊日已移遠香知桂子低唱識樵兒雲擁孤峯石秋橫千頃陂花枝點綴好搖漾在東籬

登高須九日作賦可今時苔繡痕成字泉明韻叶詩獨行尋鳥跡遙眺拂蛛絲邱壑參差畫依稀素所期

靜渚山容小閒門口影長素心存水月世事說滄桑濠濮千層浪邯鄲一枕梁烟霞容我伴早已傲羲皇

頗怪書癡懶窺園禁十年兩遊忘折屐萬斛湧源泉客別青山面溪鳴綠水田鷓枝如可借此日便颺然

詠廬墅采菱五首仍步前韻

野墅方開徑遊訶滿壁書菱花迷水鏡苔碣掩山廬散屐憑雲  
鶴邀朋覓鯉魚曾攜樽酒過彷彿舊僧居

蘭亭新訂聚小艇傍花移話久青山老歌傳紅雪兒製衣催楚  
棹投杖擬仙陂兩岸喧秋籟清風透隔籬

菊叢尋還早菱翻采適時綠波誇左賦紫角綴韓詩嬾步因忘  
味知音少色絲烟霞誠有伴茅舍酒襟期

水泛舟橫小池灣漫引長翠紅鋪錦障頭角鬪茶槍桂墅開鱸  
宴廬花寄雁梁倚帆吐珠玉嘯月誦軒皇

岸沙迎落日秋實喜逢年醉飲貪冰笋狂歌奏響泉臨溪獨古  
寺負郭有良田黃鶴爭先步巴音博粲然

壽蔣賡虞三十初度

時丁卯正月

趙葵蒙公贈卷第三

六

玉兔浮光正此秋先看紫氣滿瀛洲催梅倩點雕弧彩折桂遙  
添綺席籌三徑早開宮泮側一杯留向曲江頭勸君莫怪韶華  
迅尙有班生把筆投

丁卯秋叔父偕二弟獲雋嚴君勗以短章六首余亦勉賦  
八截藉以言志未足云賀也

玉蘂冰輪徹碧窗幾番促席話書釭而今振轡春風裏國士於  
家獨有雙

當年舞勺媿芝蘭共博含飴咀劍歡深羨吹簾先奪錦慰令白  
髮好加餐

鯉趨日日繞庭前弓冶全憑仲氏賢慚倒芙蓉秋色老斑斕依  
舊一青氈

每攜陟屺痛萱花幸護低枝早放葩迴想掌珠辛苦狀淚彈衫

子映飛霞

傳家清白蔭餘休  
聯袂齊登花萼樓  
早識蚌珠須再索  
驂騮何用駕當頭

曾奪終軍片席雄  
十年還自泣秋風  
乍看一戰驚飛去  
麟木應難奏蕊宮

雲渡青燈伴苦辛  
蟾光祇喜耀重輪  
迄今藜炤長安地  
夜半書聲少一人

杏園佳色到江城  
翮羽先驚雁塔鳴  
三世科名終合璧  
好乘龍榜嗣家聲

步岳翁來亭陸公有懷堂詩原韻四首

岳翁近築別墅於其先壠之左  
疏窗小室幽情逼人  
有堂三楹顏曰有懷  
蓋取諸宛鳩也  
製韻索和余媿諸生

趙襄惠公賡堂卷三

七

潦倒慙泣鉛愁書  
逋未了烏能詩  
然自念父母俱存  
古人所樂余獨不  
造萱寢早捐風木  
淒其終天抱恨且  
嚴君正在讀禮晨  
夕苦塊尤切痛心  
焉三復原詠觸緒  
生悲率爾奉酬聊  
當鵙啼非敢貂續  
也

方寸縈愁覺夢遙  
千秋遺詠句中標  
深情久歎今人少  
芳徑偏逢昨日招  
壠月伴眠孤閣  
枕松風吹送小池  
橈非關雅好離囂  
市敢爲晨昏志未  
消

堂構於斯已落成  
小窗橫榻篆烟生  
拈詩講法如無意  
種竹披雲更有情  
野籟空清堪助寂  
山花點綴宛相迎  
瞻依識得悲歡味  
陌上臨風日再行

憐余何計破愁城  
還向天倫自忖營  
鯉步學趨瞻讀禮  
鳩鳴習詠手批評  
其中真境憑吾造  
此外虛名任彼爭  
憶昨暫遊芳草



地方知風味屬清卿

留賓忙自剪春畦且喜泉池傍址棲莫道騷人添逸趣故將眞性託標題傳家待列門前駟卜築還耽隴上鷗令我情牽頻陟屺幾回萱寢泣寒雞

來亭丈人豫建壽域志卜遐齡詩以賀之

蔥蔥佳氣萃佳城藉擁擁岡陵百歲禎早遣牛眠呈福地不封馬鬣慶長生燈開玉蕊迎山碧酒煖金卮映水清深信吉人多遠策且看海屋已添庚

磊落胸襟傲百城肯隨碌碌羨凡禎幽情早逐松風去曠解還從杯酒生不向蓬萊探徑遠好依弓冶俟河清會看手琢龍鱗幹指點高枝遡甲庚

無緣了悟破愁城富貴因人幻說禎業許酒詩娛百歲何妨山

趙雲臺公贍囊卷第三

八

水證三生烟霞攜入深齋暖風月遙觀午夜清未雨綢繆詳解

意憑將心事托先庚

題漁翁圖

古木森森翠壁環垂楊影裏鳥來還漁翁卻傍蘆深處明月空航接遠山

題本如上人生像贊

俗也麼僧僧也麼俗公案聽推敲印界應何蹙眼前香如花花香味誰掬日月看如梭幾嘗織成縠老僧具慧眼合掌還拳足鑽入無明無昧中捫着頭皮原贖禿四大五蘊是耶非臨去秋波直也曲老僧都不解禪經無句讀水影和月影山邱共華屋傳神多阿堵形伏神難伏拈花撲鼻香蜂蜜知未熟禪心如化工點睛添頰增眉目參透畫中人回頭已隔皮和肉

壽舅母龔孺人黃氏五十

長齡自古稱松柏，黛葉蒼枝傲冰雪。百年常見挺孤貞，掃盡鉛華標勁節。任他桃李鬪芳菲，幾度春風片片飛。獨有南山松柏在，虬龍蟠結世閒稀。我登南山有所思，思將彤管繪冰姿。忽聞王母雲璈曲，更逢婺女摘靈芝。摘得靈芝贈與誰，錦堂懸睨綠光垂。當年誓矢柏舟賦，今日稱觴憶畫眉。玉樹翩翩娛左右，強爲阿母陳樽酒。翹望清秋月一輪，籌盈大衍如岡阜。人月雙清誠可羨，桂花廳處開瓊讌。依稀人在小蓬萊，青鳥銜箋聲百轉。樗櫟慚非宅相才，鉛槧沈埋笑鴛鴦。駘欲綴巴詞，還面頰。祇增惆悵詠南陔，我詠南陔人莫和。相看杯捲愁難破，從今瞻拜錦堂前。歸來願諷蔚蒿篇。

己巳夏杪潘斯柔世兄聚首經旬匆匆言別口占當饒

趙葵萼公膾菴卷第三

九

有鳥栖窮林，逢秋常鍛羽。斥鷃每笑之，鴻鵠憐其厄。一鵬自遠來，相見如疇昔。引吭呼爲羣，清風生兩腋。勁骨傲凌雲，長嘯振空碧。幾回欲翱翔，盤桓復朝夕。時聆烏悲鳴，側耳頻歎惜。鳥與訴衷腸，羽脩方落魄。曩覩鵬飛，顧影多踟躕。感伊慰好音，珍重來秋役。千里求友聲，許贈上林帛。臨別再叮嚀，聞言將腕扼。今日何遄征，明月稀星驛。搔首問青天，天乎眼亦白。

題羅子名

秉乾尊慈苦節像

像手執念珠額戴碧玉

俠骨貞心誰與傳，丹青繪出女中仙。寒霜歷盡姿逾潔，皎日盟深色更鮮。合浦離珠留掌握，名山韞璞耀釵鈿。憑將辛苦和盤託，慚倒蛾眉有萬千。

壬申秋杪閩仲弟悼亡諸詠追維往事觸緒生悲漫成數

絕以助傷絃併哭亡姪嗟乎楚客多愁每得斷腸之句

招魂作賦不堪回首之思訴舊恨於重泉行行是淚寫  
新哀於片紙字字如癡但些音愴悵未諳雕工笏拍蕭  
涼自慙怨亂云

問天奇妒有還無多少英雄此日宰若使文章聊吐氣便將餘  
劫付妻孥

三世悲絃總一音年華漸短到如今緣何慣選嬌兒殉鐵券誰  
操仔細尋

前大母歿諸先伯相繼而  
亡子母歿後亦傷一弟

新詩讀罷淚千行聽說閨中心更傷典盡春衫還未了半生辛  
苦爲窮忙

弟述婦生時食貧  
有深痛不忍言者

于歸連步傍青雲爭羨門楣獨軼羣妯娌至今垂淚道未將榮  
貴傲釵裙

珍重池塘草色新漫尋好語解眉鬢幽明兩地都休痛還勝牛

趙董公贖臺卷第二

十

八川上

衣對泣人

我祖修文廿載餘玉樓清課近何如曾孫若欲探奇字好叩江

南老教書

子大父生  
時自稱

舊日登堂侍祖姑每邀阿姆隔窗呼

子父舊與大  
母並楹而居

可憐金粟松

風裏定省泉臺片影孤

幾番回首痛萱親未見門迎子婦新今日姍姍來地下拜姑還

是少年人

未亡哭姆聽逾悲血淚聲聲叫杜規若遣兒郎尋小叔問伊幼

子可相隨

子三弟早夭  
遺孤亦孀

風絮颺零悼昔年謝家道韞早歸泉

余妹未  
笄而夭

嫂姑未會生前面

悄敘寒溫且共憐

西河抱痛我先知長向秋風哭望兒

子殤子  
名望馨

小阮去時應作伴

好隨吾母待舍飴

記得烝嘗拜跪時  
笑看穉子習威儀  
家大人祀先每命諸孫隨後習禮  
而今摧

斷成行雁何處呼  
童竟阿宜  
杜牧之詩小姪名阿宜

人間染淚寫哀吟  
曾否秋風爲送音  
泉下望夫如有句  
試教兒

讀定沾襟

寂寞雙鳥上  
帝畿  
弟將謁選  
淮南雞犬事全非  
總帷深銷梨花月

只有空梁燕子歸

千里征鞭落照中  
尙攜小影伴囊空  
弟爲婦圖小照攜行  
芳魂果向長安

路應自低頭拜阿翁  
家大人現

莫猜夫婿少情癡  
鴛塚于今既有詩  
未訣糟糠先告我  
傷心祇

許阿兄知  
弟婦歿前兩日夜半召醫弟與子徘徊月下顧影神傷卽有斷絕不續之語

又哭亡姪福馨六截句

趙妻善公贈書卷第三

十一

淒絕嬌兒淚雨濛  
總帷扶病哭秋風  
靈牀繞遍無尋處  
尋向黃

泉碧落中

奇字曾從髻鬣探  
呶到死尙喃喃  
白雲渡口書聲冷  
衰柳依

然影碧潭

賸得殘編飽蠹魚  
赤文綠字玉樓儲  
似伊敏慧塵寰少  
應向天

宮讀異書

怪爾端莊儼老成  
孩提一笑比河清  
森羅殿上休心怖  
還似當

初緩步行

北堂留恨向誰論  
一去難招已逝魂  
弱弟事生兄事死  
幽明各

伴半晨昏

傷心骨肉墓門寒  
宿草淒迷淚未乾  
此去夜臺應聚首  
爲余一

一問平安

癸酉天中節前四日夜半哭亡兒保馨

西河疊恨訴誰知此夜湖邊忍痛思轉眼已經成死別回頭猶  
記是生離燈前哭影疑非我夢裏聞聲錯認伊寄語九原佳節  
近魂歸好共飲蒲卮

甲戌二月之望省視亡兒保馨塚迴憶去年此日余入鄉  
讀書兒依依戀別遂成永訣今日墓草已青青矣爲長  
慟以紀之

去年此日傷心處今年今日更足悲送客春光依舊至牽衣稚  
子竟何之生離再憶當初恨死別新添隔歲思纔向塚邊揮淚  
過歸來魂影可相隨

潦到青衫泣路窮暫移蠹卷伴村農嬌嬈遶屋追行屐淚眼扶  
窗送遠蓬風慧痛伊知永訣無情恨我未從容斷裾壯志成何

趙葵畫公騰臺卷第三

三

事枉洒今朝杜宇紅

最慘臨歧強抱攜低呼小字急追隨兒每自呼保保隔宵絮絮猶喃語

此刻依依僅鎖眉記得離家旋自悻遙知翁父定如癡三生石  
上休相負我到泉臺亦未遲

一年底事歎匆匆回首渾如瞬息中渡口層樓猶滯影階前小  
草尙留蹤兒好登樓又好摘百卉墓烟寂寞籠荒塚曉月淒迷臥短松春

信兩番都幻夢生生死死總成空

和優尼了上人韻

上人系出名門于歸望族閨中林下兩擅其奇俠骨柔

腸獨居其勝風波亭上幾回磨百鍊之鋼愛慾河邊一

日破千層之浪俗緣已解慧業都消以憂患之餘生証

空王之妙悟甲戌冬月鼓棹秣陵道過燕子磯特赴寶

山參禮韋馱尊者卽以是日祝髮焉回首昔年芳心如  
碎因口占一律備述其胸中不平之感及再吟兩韻而  
悲從中來不覺嘔血已數升矣故其次律至今尙未續  
成也余以潦倒文場重來白下登堂拜謁卽出前詩相  
示并囑繕書嗟乎紅袖青衫千秋同恨稽琴蔡拍兩地  
關心手錄未終頓觸離騷之句捧吟數過平添洗馬之  
愁聊步韻以和歌自方擊筑抑寄懷於同調竊愧效顰  
云爾時丙子七月既望二日

聞道紅顏每不辰千秋闡恨已陳陳風波有日終須盡魂礪無  
涯總未伸兒女浮漚原是夢夫妻幻影只如賓空王旣許尋歸  
宿好放愁眉亟問津

休恨從前幾度春彼蒼常妒有心人深情早付東流水始信多

才未足珍

趙葵夢公贖書卷第三

三

八〇八

飛花四絕

枉教辛苦費天工此別何由返故叢落水霑泥判未得爲君珍  
重舞廻風

惺忪無奈曉風催抵死空堦去復回傷別有人慵未起又隨蝴  
蝶夢中來

色香銷盡賸清涼羞逐東風度短牆斷送一春空愛好有何心  
緒嫁王昌

地老天荒夢裏身東西未卜去來因不如一片隨流水猶有漁  
郎解問津

望江南

御杯客裏漫尋歡忽憶江南興欲闌小閣夢驚晨罷繡高堂盼

斷午停餐桂曾落子難消恨梅爲傷心未解酸聽說不如歸去  
好夕陽山外有遞鶻

家言十章步韻

昌黎曰物不得其平則鳴廬陵又云詩愈窮則愈工信  
斯言也屈騷哀怨勝於金馬揮毫賈鵬悲歌善於上林  
獻賦耶丙子歲涂月余奉家大夫命省仲弟於石樓官  
舍手足相依破涕爲笑隨以家言十章示余蓋吾弟筮  
仕出國門時家大夫口占書示者也後有叔父和言乃  
昨歲署中所作滿腔憤鬱溢於楮墨閒捧讀之餘愁添  
十斛久欲步吟而闕筆者再因念弟以年少科名長於  
吏治視我已不遞霄壤卽叔父潦倒賢書十年面壁今  
復一鳴驚人矣廻首卅角受書時夜雨燈前曉風窗下  
相與促膝伊唔者惟我一人長落坑塹耳薄命至此尙  
何言哉三萬六千場無時出夢一部十七史何處開談  
然若昌黎廬陵所言則窮莫如余不平莫如余雖不工  
亦安得而不鳴也但恐青紫叢中又增一乞相話頭未  
免令花城削色矣

趙養吾公贖業卷第三

丙

八八

小窗螢雪其當年彈指雲泥已判然花縣無端來措大慚余翻  
似利名牽  
高堂屬望意偏殷音自西歸每色訴我聽深山呼召杜江東有  
路可曾聞

一縑定省尙頻揮望斷雲溪子舍依但念長安詩句好應知養  
志在無違

少小愁聞萱草名看花此地更傷情生兒薄命都如我珈珮誰

將贈母瑩

辱陵昔日撫流亡遺愛瀟湘月影蒼梅杏河邊堪步武絃歌譜  
出舊文章大父昔令公安

梁苑棠陰昨再過青衫仍自愧蹉跎故人若問佳公子引向龍

岡看碧蘿子自家來沁道出梁園為家大人舊宰地

作吏天涯劇苦辛螯鹽小鑰半隨身可憐九載糟糠婦分俸無  
緣枉食貧

琴堂雅韻遍村民課子還攜卷帙新愧我書逋償未了翻將豚

犬累尊人家大人休休里居課孫自樂

義方苦口藥誠良記取叮嚀戒不獲題向御屏勤誦省章弦勝  
佩萑蘭芳邑有御屏山

傷心日暮阮途賒每聽參衙悄自嗟踏破碧峯花六出勞人旅

趙裴夢公贖墓卷第三

五

夢亦忘家今春沁苦早弟刺血書禱神旋得雨雪連日

題叔父壁閒詩後時在沁署丁丑三月望前一日

細雨窗前燈半明疏鐘簾外月三更每將好句頻頻誦欹枕無

言淚自橫

昨夜琴堂送捷書碧紗籠畔燄光舒從今刪卻多愁句贖有牢

騷儘付余

石城官舍同人唱和蕉窗聽雨得林字

兩壓綠窗影愁聲曉夜侵似隨譙漏急不並寺鐘沈點點成孤

韻蕭蕭雜遠林寸心原易碎敢自傲知音

小院籟俱寂輕紗浸綠陰何來十八拍忍度兩三礎節短心頻

數風高響未沈相疑雨珠玉頃刻化瑤林

皖城署中和張中峯年伯



臨去方知聚首難幾番辛苦亦成歡追隨學步拋長鋏指點文  
心關彈丸負笈漫思充籠藥通門自愧遶堦蘭天涯離合都如  
夢敢學新亭泣楚冠

廿年心事竟全非栩栩夢難消蝴蝶衣每憶高堂稱執友相看古  
道信知希匣中劍氣隨雲合江上帆聲帶雨飛此去廳蓬渾莫  
定杜鵑休喚不如歸

客窗苦雨 得殘字

憔悴春光欲度難更憐春向雨中殘一聲河滿鄉心碎數夢淋  
鈴旅夢寒望裏愁絲渾似織窗前淚點爲誰彈小桃也學人含  
恨獨裹香願倚曲欄 庭中二桃未放

清明曉發宣城 得城字

銜雨春山送曉行客中佳節倍分明金鋪淺陌黃花瘦玉碎平

趙葵夢公膽囊卷第三

沙碧浪輕松蓋有風吹紙蝶柳簷無絮點啼鶯敬亭四望渾如  
醉此日炊烟已滿城

地爐 限韻分詠

不動簾櫳裊篆絲地中依約展風旗薪傳獨仗吹灰易席暖翻  
教擁絮遲小屋春深如有腳短窗霧鎖若爲籬可能長吐炎炎  
氣悄讀寒爐撥盡詩

暖窗深鎖黛烟絲洞口颺飛似揭旗爲愛洪爐隨地轉不愁曲  
突徙薪遲劫灰疑鑿昆明沼春色能回處士籬寫入畫圖渾未  
識依稀陶穴記周詩

長安旅舍與大武聯句

南望江南欲去難 侯 強將濁酒醉長安子山枯樹名應在 大阮  
籍窮途淚已乾絮被煖知春意近 侯 蘆簾破覺夜風寒莫愁半

折新豐劍武長負司空取自看  
赤侯

冬夜小集

得嗟字

不是新亭也歎嗟客心如醉寄窗紗強攜竹葉邀寒月爲愛金  
蘭逐曉霞澆恨漫勞填海衛洗愁欲問補天媧年來聚散知何  
許小卜佳音看燭花

長安除夕感懷八首

用秋興  
杜韻

戊寅大除浪跡京華驚心改歲瞻 帝闕而日近望親  
舍而雲飛立雪依依祇作江城之夢班荆草草都爲萍  
水之踪折雁字於天邊填簾誰和憶鳳簫於樓畔綦綰  
堪憐鬱鬱今宵茫茫交集偕旦平大武兩兄用工部秋  
興韻各賦八首聊作癡鼓之賣耳慚無酒脯以祭之

天外寒鐘徹暮林 帝城車馬尚森森漸來春色遲今夕未去

趙葵夢公贖藁卷第三

七

年華託寸陰紅蠟半燒遊子淚綠醅重醉故鄉心歲除不并愁  
除盡贖與山頭憶藁砧

黃金臺上夕陽斜獨對茫茫感歲華荻莢無心常落葉蓬萊有  
路未通槎天高雲障千層闕塞近風移一曲笳 聖世不勞諛  
頌奏擁衾閒坐酌椒花

南望關山隱落暉不堪暮景更霏微雪憐臥客偏遲至雲妬思  
家故遠飛廿載悲秋看歲改半生愛日歎今違雁魚欲問新消  
息認取離人瘦與肥

斗轉星移一局棋眼前成敗任歡悲笑人鄧禹知名日送鬼昌  
黎失意時幻影總隨殘照盡寒香莫怨賞花遲朔風吹斷江城  
夢不斷平生國士思

相逢青眼是西山爽氣攜來襟袖閒心爲歲寒貪柏酒人如春

瘦掩松關詩囊有祭惟陳淚藥竈無丹可駐顏誰遣笑歌忘永夕陶陶不讓尹和班

筆戰文壇少寸功評章聲價有無中三年血淚秦淮月一夜悲歌燕趙風夢短暗吟池草綠心遙小卜燭花紅故園兄弟應憐我獨向天涯問塞翁

柳色遲遲上陌頭落霞枯樹澹於秋小樓今夜添新淚孤館隨人說舊愁機錦迴文思繫雁寰瀛歸路夢如鷗江南聞道多風雪莫見寒衣憶帝州

天關地軸兩逶迤人事如圍平與破饑臘待沽燕市酒望春欲借上林枝千山凍色和星滅萬戶輕塵逐曉移落拓自嘲癡未賣半牀書卷半簾垂

長安送春與大武旦平聯句二首

趙叢書公廣藝卷第三

文

天許疏狂作酒徒大武借君花管賦三都指閒沸沸開旗鼓旦平身

外蒞蒞問雉盧薄醉可堪輕潑墨侯赤微名不合強吹竽須知此

會真難得大武就裏何人獨向隅旦平

暗覺東風去欲留大武彩雲徐度滯簾鉤三分花氣隨人遠旦平一

寸春陰共我愁天地無情輕作別侯赤江湖有恨亦同流休將此

夕深聞思大武送入燕山塞勒秋旦平

祝李次公

花輒旭日影遲遲正值懸弧初度時仙掌露凝鵲觀觀御爐香繞鳳凰池長趨北闕承恩綉近對東籬挹壽卮仗取陽和吹細草春來早放上林枝

輓韓貞女詩貞女受李氏聘未嫁而殉

俠骨冰心亘古稀殉夫還着女郎衣三生劫盡虛鴛夢一縷魂

隨化鶴飛天上蟠根應有伴人閒留珮亦增輝疾風勁草輪闔  
闔不羨西山幾葉薇

壽人五十詩

自有瑤池百歲觴韶華方半正流長才名久占青蓮座閱闕羣  
推仙李行綺戶春風誇畫錦綵衣旭日炫明璫遙知柏葉添新  
綠氤氳蓬萊接九閭

和達儒上人留別韻

厭踏紅塵憶故鄉袈裟鉢杖是行裝一肩明月空如色半枕清  
風般若香說法無心花作供苦吟得句錦爲囊看山玩水多禪  
趣好滌餘囂入雁堂

庚辰榜後四首

戰敗方知取勝難不關天意好摧殘抱冰悔未因人熱采菌憑  
誰守歲寒花樣另翻遲乞巧烏魂頻顛易驚尤此閒那得中山  
酒醒後重登舊將壇

趙雲公贖棗卷第三

充

×小文

奪錦人爭歸故鄉天涯何事絆疏狂雨絲細織愁成片風絮新  
鋪淚點裳中酒病深伴薄醉賭棋輸盡怯稱降夜來匣劍聲如  
吼夢逐荆高易水旁

春色欺人薄命宜劇憐風景太差池歐陽竄遠生離日謂彭城夫子

謝朓修文死別時謂慈谿夫子冷落花城殘似篔謂懷來夫子翻新刀筆

細於絲一朝衣鉢廳零盡歸燕詩成獨自題

繪繳餘生已倦飛君恩似海許忘機玉階應制遭逢盛鎖院  
論文心事違不飯王孫甯便死長貧季子豈無歸等閒莫拭華  
陰土曾有光鋌動紫微

壬午除夕行次邵伯

纔跨征鞍恰歲除客中風景竟何如亂飛絲勝千門畫不斷金  
鏡萬艘居爆竹聲催春雨後辛盤味借市羹餘此行悔未將癡  
賣又解奚囊夜讀書

癸未新歲次順河集用壁閒韻

浪逐公車隊囊空腹未便春愁長似織人意薄於綿萍合多知  
已途窮欲問天夜來風雨急清夢落誰邊

借閩中諸孝廉冒雨行次紅花埠仍用前韻

此日悲行路休談腹笥便鶯花雖有約風雪正如綿樹暗遙村  
地沙明細雨天青衫拚再濕策馬酒旗邊  
尋春得快友相對敢便裘傲猶經雨情溫不借綿追隨嘶馬  
地消受妬花天莫歎增憔悴長安近日邊

和蒙陰旅店壁閒韻

趙莒公騰臺卷第三

三

蚤起度平沙春寒覺路賒星疏沒曉漢風細漾晴霞雁宿孤汀  
草鶯催上苑花杖頭難買醉隨意品蒙茶

將遊歷下留別閩中諸子

傾蓋成知已天涯有弟兄晨昏長聚首辛苦共關情我自悲歧  
路君多悵遠行他年車笠遇應勿負平生

過毛萇故里

距趙州  
十二里

匹馬衝泥南望賒毛公故里夕陽斜遙林密翠藏鴉影老屋頽  
青障麥花三百詩篇珍小笈五千驛路間長沙停鞭用古情何  
極漫學尋章賦棧車

過黃梁祠見盧生夢像

南去邯鄲  
二十里

盧生一夢原來幻何況盧生亦幻身裝點形骸添鬢景標題姓  
氏掛浮塵臨川游戲談烏有肉眼驚奇錯認眞玉茗堂中頻喚

醒等閒誰見不癡人

癸未下第赴長沙初夏廿日旅次衛輝見壁閒十七歲女  
子貞菴登望京樓一詞清芬沁人心腑馬上口占和之  
調寄曷高樓步韻

傷心候春恨上眉頭鎮日壓雙眸新巢舊壘迷歸燕  
葦風笠雨聽嗁鳩弔繁華胸魄磊瑋山邱  
瞥然見簪花題細草朗吟過輕簧如小鳥清淚漬  
暗香浮珊珊環珮今何在但教粉壁占風流  
有心人牢記取曷高樓

附原詞

層臺迴百尺曷高頭登眺一舒眸山橫淺黛新過雨  
陰陰宮柳陋鳴鳩是當年繁華境盡荒邱  
歌舞地雕欄埋碧草畫眉處空梁棲宿鳥  
今惟有亂雲浮頽垣孤月香魂杳空教才女  
弔風流到如今只賸得望京樓

趙葵臺公騰書卷第三

三

途中寄和內子贈公車六首

傷心敗北理征鑣羸馬蕭然舊革儻春去淚痕曾減未青衫濕  
盡已如潮

去越還吳祇浹旬楚天遙別白雲楮

余以壬午臘月自浙返里時家中丞奉命有事楚

南重來惹得鶯花恨兩地關情有夢親

社燕歸栖已過時江南花鳥未全欺獨憐遠向長沙去妾面羞  
郎寄語遲

離別頻年冷翠幃食貧常典嫁時衣一囊書劔金釵換愧歟飄  
零季子歸

幾得閒情學畫眉遠山長鎖對吟時無端又聽南宮罷辜負心

香獸默默期

南北驅馳總浪遊不堪相見話新愁如雲匪我思存久日暮聊  
登黃鶴樓

五月六日漢口旅店苦雨

江干蝸舍強停鞭風雨欺人倍可憐竹瓦但聞聲滴瀝蘆牀早  
見水潺湲措身尺寸真無地着意催殘獨有天慚愧囊空同趙  
壹五陵公子自翻翻

十月廿五風阻皖江和同舟楚黃張子葆文用原韻

縹緲江雲送客舟滿懷離恨逐東流逢君劔識豐城氣愧我詩  
殘赤壁秋風浪無端羈皖渡夢魂猶白繞潭州相看不用相驚  
詫洗馬由來只善愁

廿六日再和葆文

老樹孤雲插遠天御風無計學飛仙偶從萍梗江頭合時聽呖  
晤水上傳抱膝雄心乘破浪投箋詩思湧如泉吳儂一曲慚同  
調贈與韓山片石前

趙翼公贖囊卷第三

三

廿八日舟次蕪關謝葆文爲余推命

曾弔長沙賦鵬哀愁城難倩五丁開羞灰壯志常如夢悔負浮  
名願不才駒隙半生歌當哭江聲徹夜去還來憑君算取窮通  
數白眼從今識楚材

甲申初夏徐州李夫子南遊毘陵聚談竟日不勝今昔之

感卽席紀懷呈政

五年前事竟何如幻夢都應付子虛吾道得門終立雪君恩  
似海許懸車局棋劫盡輸贏見杯酒澆空砲礮餘卻憶漢家馮  
大樹射鈞猶願記當初

匠石曾經顧社樗不才空負選輪輿羞餐豚望神仙字悔讀昌

黎科目書壯志有天難筮卜拙身無計可樵漁感恩且進尊前  
酒萬點浮雲一夕鋤

天賦才情本不羈破除韁鎖更權奇龍門筆有山川氣夔府吟  
無怨誹詞冀北風塵千里夢江南烟雨一帆詩只愁 聖世徵  
書急未許嚴陵理釣絲

丈夫何必合時宜放眼開襟任所之花鳥不關成敗事江山長  
動古今思王曾溫飽原無志蘇軾文章舊有知領取夜闌酬唱  
意科名人重是吾師

子先上人訪兄遼陽西歸徐州夫子以詩送之今同游毘  
陵出詩相示依韻奉贈兼呈夫子

卓帽遺踪安在哉度遼苴錫已歸來十香詞弔迴心院九里山  
尋戲馬臺刻韻烏絲分潑墨停歌紅豆促銜杯多因棣萼情如  
海到處天花爛熳開

趙夢公贖囊卷第三



甲申九月十五祝玉峯徐年伯母金夫人七十壽

兩世金蘭契結時雲泥路迥倍相思過江門第多賓客入洛聲  
名在鼓旗松菊不愁三徑老衣冠猶見六朝遺只今鞠脰行觴  
處乍捲珠簾亦解頤

燕許文章擅大名齊眉應不愧卿卿山河象服 恩綸重琴瑟  
雞鳴雜佩輕叢桂秋深花更好蓬萊人共月雙清憐子陟屺情  
何極檢讀南陔但有聲

和姚子生山谿山書屋後詩

甲申冬余赴楚江與生山  
同舟出詩索和依韻奉酬

虎邱巖下卜精廬愛看谿山烟雨餘恰喜經營能匠意不教寂  
寞子雲居

平生不好步兵厨罵座何當學灌夫但得山光深處醉肯催明



月上高梧

七里山塘泛艇遲看花拾翠趁春時小堂偏足幽棲韻一幅丹青一卷詩

圖畫天然山外山短牆繡出古苔斑更饒異響風前聽萬頃松濤碧落閒

可中亭外雨聲颼捲盡繁華入暮秋賸有千人石頑物點頭未解愛清幽

一壑一邱非草草有花有石更彬彬谿山本色原如許不放東籬傲逸民

景物寫生詩句裏風流覲面酒尊前主人相識不相厭可許桐

陰一醉眠

余與生山同舟初面

和洪去蕪兼懷崑霞孝儀庭曙卻寄

趙襄公臆藁卷第三

三

蕪城落日大江晨身似颺蓬過眼新萬里寒烟荒渚月一林紅葉遠山春風低雁陣驚孤夢浪湧漁燈照旅人回首天涯知己在歌殘燭盡尙留賓

一夕離樽悵別來鄉關極目畏登臺洞庭落木虛無影楚岫連雲鬱不開蝶夢淒迷江上柳魚書寂寞隴頭梅衡峯絕頂堪攜句獨寫愁心餞雁迴

江舟長至

去歲故鄉長至好今年長至客中過洞庭葉下空山小江渚人稀落雁多獨擁寒爐消永夜誰拋彩線鬪宮娥深閨此日應愁絕添得愁絲又幾何

丙戌新正十二日宿亢村旅店同楚中夏元音李莖洲兩

孝廉檢視行筭舊藁用原韻

連榻郵亭苦漏長挑燈相對檢奚囊温尋舊賦無佳句欲引新  
詩有別腸三月鶯花先入夢七年傀儡再登場此行曾戒題橋  
筆故態重來笑我狂

丙戌夏日送洪崑霞年兄之任交城崑霞一  
字秋山

漢室重郎官唐亦崇大令厥職號親民舉動關民命上檄旁午  
來匪令誰與應下情呼籲急匪令莫與請鉅若引千鈞細如蝟  
毛逆兼聽且並觀疇非令爲政黷虐不足論關葺卽深病古稱  
民父母痛癢須勤訊撫摩噢咻之時以心相證此任詎易勝斯  
名亦難稱百里非大賢予聞常不信吾友秋山子文譽起齟齬  
藝圃恣吹漁詩苑窮探濬倘儻復權奇偶儕罕能競憶得九年  
前同駕孫陽乘先後入京師傾蓋平生罄其時得五人意氣堪  
投贈旣爲芝蘭交更以金石訂促席雲霞生連牀風雨聽分題

趙警公臆書卷第三

三

八〇一

鬪揮酒執卷互批評酒酣耳熱時長歌對短檠咸云非偶然良  
會永無竟秋風偏作惡雁羽差池甚相思在天涯相見如電瞬  
今年復聚首問君行藏徑卞玉泣三別席珍宜受聘男兒事業  
多何必老蟬燼筮仕得交城君才可游刃勿嫌烹小鮮萬里茲  
發軔寄語我仲氏堅持冰蘂性車輔幸相依磨礱期就正填荒  
臭味同深交自合并君速飛雙鳧我猶伏攫弈愧無送行物聊  
以前言嘯

送蔣開泰之任龍溪丁亥

新捧除書出 帝京篠驂早向五雲迎廣都政績棠陰遠公戎  
才名劍氣橫浪靜龍江春有腳風清鶴嶺月無聲懸知仙舄飛  
翔近鷓鴣灘前好送行

題畫

一幅生綃寫牡丹天然富貴湧毫端閨中不怕遭時眼少着燕脂也耐看

膩粉嬌紅奪化工引將蜂蝶認花叢豔香肯讓三郎占供奉而今是主翁

得家書有感 丁亥除夕前四日

南鴻頻見送音郵此夕無端動旅愁貧賤未知娛少壯別離空自記春秋三年客夢柔魂結一紙家書遠淚修聞道香車齊過

市獨憐人在舊妝樓 家書為同鄉迎眷入都所寄

壽吉水李夫子四首

聖天子功德隆盛東漸於海西被流沙朔南暨凡擔爵食祿者東西南北唯所使而不自暇逸固其分也吉水夫子獨

以一身兼之今方位秩宗掌邦禮而奉使懿績烺烺在

趙襄夢公贈襄卷第三

三

人耳目間傳頌弗絕使於四方不辱君命夫子有焉謹

依四韻別為四體賦詩以述其事

帝簡鴻才重品題手持玉尺到關西鎬豐人物三秋競秦漢文章異代齊鎖院於今瞻紫氣石渠依舊照青藜輶軒采盡藍田

種光映平沙待策隄 典試秦中

秦產之寶精英含網羅入貢空殺函使者還報 天子命 帝

曰揆文唯汝堪吳越自古號才藪改遣侍從窮蒐探視學舊制迺始復我公銜命來江南選奇拔尤歸冶鑄驅囂滌滓澄寒潭

聲名騰踔達閭闔黃麻遙拜綸屏參匠伯斧斤及社櫟十年既廩如分甘蠹魚未食神仙字篤足羞並驂騶駝腋集彙征與羣

雅倒餐蔗尾傳美談 夫子試土後有彙錄羣雅集二刻 林林百尺豐碑在謳思

舊德猶沈酣師儒事業壽金石黼黻 聖明文教覃 視學江左

嶽瀆稱殷禮絲綸賁大東使車清禁出祝版慶雲籠日觀羣峯  
小滄波萬壑窮香浮山色翠燎射海潮紅學士威儀肅公侯望  
秩崇旌幢過漢時絃誦聽齊風人以文章貴詞因眺覽工皇華  
已三賦歸奏履聲中 祭告海岱

聖世重民依民依在稼穡畿輔偶失稔比戶嗟艱食 天子由  
已饑發粟俾乃粒疇咨董其事有孚惠我德時公佐邦治稽首  
曰臣職單車式邁行周察秋毫析搜剔絕漏卮豆區均手給童  
叟爭謹呼箚管來似織使臣能活我崇朝蘇菜色公曰予不有  
再造皆 帝力馳驅歷四方歌思在四國丈夫始生時桑弧蓬  
矢執允矣建功名東西暨南北 監賑畿輔

壽平漢凝七十

時令山右陵川縣

監賑畿輔

趙臺公騰藁卷第二

七

紫氣西游接翠微薰風入座舞斑衣山城如畫人烟遶琴閣常  
鳴案牘稀爲政心閒應不老乘時吏隱卽知幾深園舊事堪回  
首盼取雙鳧指日飛 先生昔與家人共事睢陽

輓鶴于張處士兼示令嗣瑤典

昨夜春風嘯白楊招魂誰贈返魂香千年漢玉蟲魚在一片秦  
蟬蝌蚪荒手澤自堪追籀筆家聲早已續縹囊平生訪有韓山  
石好爲高人表墓旁

壽彭石源太史封君五秩兼賀太史歸娶

太史乘龍新卜日椿庭方屆服官年鯉趨畫錦 君恩重鳳吹  
瑤臺吉事駢坐看璧人雙進酒初陳榛贄特加邁江湘咫尺笙  
歌沸不數蓬萊有洞天

題李蕭仞斷腸集虞姬圖

縱橫楚漢爭秦鹿成敗誰先卜佳人有眼識英雄願得翠裙長

欽侍軍中 重瞳本是虞苗裔 垓下天亡耳妾身 薄命不如騷  
早試樽前一 劍謝君悲 右調寄虞美人

夜半重圍聽楚歌 拔山豪氣頓銷磨 君王膽壯猶如此 嬌怯裙  
釵可奈何

叱咤暗鳴萬眾驚 帳中底事淚縱橫 應知絕世風流種 能便英  
雄百感生

亭長圖王畧地東 鴻門玉玦恨無功 傾城早判身先死 肯逐俘  
囚入漢宮

老雉羞嘗置楚軍 廁中人斃更奇聞 虞兮直得將身殉 劉季何  
曾庇細君

送王衡山年友之張秋別駕任

十年前與衡山友 懷鉛挾槩東西走 十年之後見衡山 版鏡頭

趙孟頫公贈藁卷第三

天

銜身縮綬驥足追風軼等倫 遭逢特達真非偶 衡山自視猶欲  
然初服心期殊 否否憶昔論文角 藝時揣摩利器推 君右琢成  
美玉鍊良金 篇篇膾炙同人口 力挽烏號中 疊雙拖紫紆青亦  
何有 富貴逼人不自由 毛錐安用長株守 瞬息三遷大郡僚 君  
才小試新硯剖 治中別駕古所尊 豈類折腰米五斗 男兒事業  
須早圖 射覆文場似窶藪 半生局促轅下駒 不惜千金享敝帚  
夢回酒醒竟何成 蠹食神仙空皓首 羨君萬里奮鵬搏 愧我一  
經老 獲脯燕市狂歌送故人 君着鞭兮我擊缶

宋射陵雙壽

南極星明映少微 長天寶婺更連輝 銜盃日就青山醉 舉案還  
從白社歸 千里驂騑爭蹀躞 滿庭蘭玉報芳菲 鹿車手挽同心  
久 今日雙栖笑綵衣

雲開海屋喜添籌白鶴瑤笙下十洲不羨據鞍稱鬪鏢但看緩帶足風流書勳自昔標銅柱憲老於今賜玉鳩簪笏成行斑綵戲賞心應勝赤松遊

送李九近修歸試西江時卻扇未久卽行

戊子六月

翩翩公子別金臺窄袖輕衫曉騎催應是蕊宮呼姓氏火雲飛擁上蓬萊

烏衣燕子欲高騫王謝門庭誤後賢記取話深相努力烟樓十丈已居前

書上賢能亦等閒憑君賈勇戰當關筆鋒況有新傳授橫插還如畫遠山

綺閣縫裝色色工鴛鴦小枕繡當中臨行好乞金針度花樣今年自不同

趙襄公騰囊卷第三

堯

玉樹亭亭骨欲仙前身多分是青蓮虹霓早趁江心釣今日科名愛少年

風送滕王決勝遊天香收拾已深秋廣寒也只人如玉莫再問尋十二樓

才下師門感舊知三年唱和等墳簾此行珍重凌霄翮早寄泥金慰客思

惆悵離亭折柳條春明門外馬蹄驕相思紅豆都休記靜聽霓裳喚六么

李九近修卻扇未久歸試西江旣以詩代餞復見留別原

唱依韻戲答

合歡枝上葉田田棲宿鴛鴦未半年懊惱秋風偏妬甚別教月

姊奏鈞天

弱筆爲鋤硯作田蒼騰消損不知年舊時憔悴秋風客今日乘  
槎欲上天

凭肩私語畫闌西獻賦休教五色迷新試戰場非浪說君才應  
獨騁驕嘶

行行徙倚暮雲西情到深時轉似迷羸馬亦應知惜別幾番回  
首又長嘶

二載前經返故鄉灞橋折柳思茫茫這回不似當初別未唱陽  
關已斷腸

風景從今認異鄉歸心離思兩茫茫春明門外千條柳盡是行  
人九折腸

勻將蘭蕙豔文心着意攀花祝到今從此繡窗添晚課月明香  
裊拜深深

趙襄子騰臺卷第三

三

幾人同調復同心無限離情說自今三疊陽關數行淚不知情  
思爲誰深

出古北口

絕壁摩天抱 帝京危墻插嶺鎖邊塵當關不用千人敵扼塞  
長依萬里城日月蔽虧戈甲冷風雲擁護鼓鼙清巖疆自古山  
河險眺望於今獨太平

三公主府

穹廬深處聳瑤宮形勝居然上國風帝子有家開朔漠名王尚  
主視侯公山如城郭連雲黑天近林巒照日紅驚觀 宸游供  
帳盛繁華寢已遍寰中

送海甯許夫子致政歸里

仕宦本浮雲進退乃大節始進必以正其退亦剛決一一疏獨知

止高風千古絕吾師欲追蹤拂衣辭九列巖廊與江湖處之如一轍不愧大雅稱伊人明且哲

起家自儒素蠶鹽風味足設帳授生徒南北羣推轂見知名公卿氣節相敦篤一朝登玉堂堅志守初服屢掌文章柄秋月寒潭浴從茲簡帝心祕宗竚枚卜遭時方急流浩然懷松菊服官秉素心臨財不苟得入領少司農釐剔靡遺力一芻與一粟誓無秋毫匿如何漏卮發翻射舍沙城雖逢寬網恩短章自陳劾聖明鑒其衷慰諭俾就職終以欲全名引年思去國豈不戀闈廷臣心實隱惻

江東多枿梓工師遍繩尺中有櫟社樹一顧辱匠石輪囷不適時散才甘擯斥送別江之湄相對深憐借更貽詩一縑期奮柔榆迹今也竊微名長可侍几席先生早乞身寸草春暉隔永懷

趙養公贍養卷第二

三

國士知其敢負疇昔

有弟亦知書曩應童子試兼經叨賞拔幸免子衿刺昨歲始掇科立雪程門侍硜拙不見嗶謂可琢成器去後聞師言遺書遠相示師歸過毘陵趨拜當不棄吳越一葦杭典型時仰企知已何日酬扁舟重問字

驪歌日漸促吾徒增悵怏颺然出國門一樽誰敢餉離別難爲懷贈言當祖帳芳草助行色驛路繁花放臨歧重丁甯加餐自頤養松石可盤桓琴書足怡暢因風問起居示我長無恙

題海甯許夫子讀書秋樹根圖

投簪何事愛吾廬皓首重尋舊五車石逕盤根攤素卷讀書還讓老尚書

三十年來宦業隆經綸元在一編中從今林下閒披誦追憶寒



窗午夜功

千年老榦欺冰雪萬卷高吟避俗囂占得深情居勝地肯將心

跡混漁樵

何處山中小有天幅巾藜杖意翛然松風不減濠梁趣讀盡南

華第幾篇

經術傳家費揣摩積金爭似積書多奚囊檢點青箱本細認丹

鉛舊偃波

伏櫪曾邀國士知春風絳帳繫人思畫圖省識橫經處他日雲

亭好問奇

趙裘萼公贖藁卷第二

趙裘萼公贖藁卷第二

三

川三川

平致問奇

大慈曾應國士賦春風絳帳繫人思畫圖省識橫經處他日雲

亭好問奇

經術傳家費揣摩積金爭似積書多奚囊檢點青箱本細認丹

鉛舊偃波

伏櫪曾邀國士知春風絳帳繫人思畫圖省識橫經處他日雲

浙江書局刊

張大昌校

平致問奇 趙裘萼公贖藁卷第二 趙裘萼公贖藁卷第二 三 川三川

張景雲校

趙裘萼公贖藁卷第四

男侗敦謹編

詩一 己丑至庚子

恭賦

御製萬壑泉消暑千峯翠作秋

勝境供臨眺天然景趣幽縱橫羣壑會高下眾峯稠落澗泉多  
韻凌空翠欲浮噴珠還戛玉拄笏復凝旒似灑簾前雪如看陌  
上樓淙淙寒月碎澹澹曉烟流款熱全教退新涼頓覺留風翻  
頻送暑雨洗更宜秋地與塵囂遠人將歲序遊道兼仁智者山  
水亦相謀

恭賦

御製俗尚非交讓官箴乏協恭

禮讓稱淳俗寅恭號蓋臣無爭由教化有善必咨詢皞皞風斯

趙裘萼公贖藁卷第四

一

古師師誼自親囂凌獨吳會積習在官民腸豆猶攘臂冠裳易  
反脣誇多還滕麗好異益趨新接滕成冰炭同舟似越秦何當  
文物藪祇汨利名津悔訟殊虞芮宣猷愧召郇閭閻需表率廉  
法可陶鈞誰任封疆責難求經濟人 天章垂訓戒拜手敬敷

陳

農民苦行應制

萬物勞形莫自佚惟有農民最堪恤終年力作在西疇亭蒲襪  
襖無休日枝頭布穀早催耕家家負耒攜鋤出炎雲滿天日當  
午汗滴禾下泥蟠膝枯棹軋軋四野聞饁餉往來人影密安得  
年年盡有秋新畬舊畝齊刈銓我稼千倉復萬箱酬爾勤劬開  
百室冬日務聞猶未閒于茅索絢龜手疾似茲辛苦誰繪圖田

家樂止什之一

聖朝宵旰念民依寫入幽風與無逸

南苑校獵應制

宸遊飛鳳輦講武晾鷹臺風動施羅爵炎飛淨草萊三驅王者禮七校羽林材劍挺霜花落弧張月影開清風先騎輦靈雨洗塵埃帳殿龍媒繞旌門雉尾來畫旗雲漠漠組甲雪皚皚殪兕殷朱轂驚鷗墜綠苔頒禽三面獲獻壽萬年杯數獸分熊掌烹鮮割豹胎乳茶傾玉椀桐酒注金罍鏡吹喧千里歡聲溢九垓時政周史記作賦子雲才瑞靄凝雙鬪傳呼警蹕回

鏡水雲岑應制

近水遙岑交映鏡光雲影相涵平開一片皎潔亂點長空蔚藍鑑洗獨澄秋月霞披常對晴嵐天然別苑圖畫佳處全憑靜探咏烏鎗應制

趙葵公賡葉卷第四

二

自昔五兵皆利用火攻祕製更稱奇鸞飛翻覺彎弧拙機發還嫌踏弩遲送落金丸隨電掣驚摧霜鬪帶星移凌虛致遠真無敵別有聲威震九達

嘉禾雙穎應制

嘉穀標奇瑞人占大有年綠疇駢穗聳紫陌結苞鮮含露枝偏秀如雲影獨妍衢謠嬉鼓腹歲歲戴堯天

賦得一日看徧長安花

行徧長安綿繡鄉宮花新染百花香士林淺翠凝朝露夾道殷紅襯夕陽載酒不愁人跡遠尋春肯惜馬蹄忙東皇爲報芳叢盡閒逐游絲繞建章

冒雪訪巖湖先生行帳次韻

招尋暫駐曉行驂碎踏瓊瑤興偶酣但識蠶鹽無俗味略傾肝膽已長談天涯知己惟君在山鬼欺人只我堪相對塵囂滴滌

盡遠峯螺髻雪花簷

和世南先生早發喀喇和屯扈行

萬乘三驅道阻修岡巒盤鬱盡神州羽林曉發塵都洗毳帳寒

新酒倍讐借用史記嶺外馬蹄稠欲織霧中山影暗如樓揮鞭每念

君恩重貧病還堪說壯遊時余抱病

和南湖先生熱河傲寓詩

雲山皆舊識几榻是新居退食權銷夏遲眠爲檢書月移簾幌

近花浸膽瓶疏佳句饒清賞知應愛此廬

題荔枝佛桑圖呈湯院長

駘奇長憶南州樹倩寫輕綃記土風荔子垂垂香豔處扶桑相

映一枝紅佛桑本名扶桑

朱華欲奪摩尼燄丹實爭凝絳雪光何必無雙聲價貴佛花端

趙葵萼公騰藁卷第四

三

不讓神漿

和塞上紀雪

詔下期門早鞞鷹五更風雪乍奔騰鑾輿駐蹕看霏玉虎帳

休軍暫釋冰笛落梅花聲浙瀝山飛柳絮影峻嶒一朝解網長

天霽塞草烟橫待月乘

琉璃河橋鐵柱擬應制

互水長虹鐵柱擎波心依約一篙橫洪鑪鑄自何年月作鎮千

秋未得名

佛手

金碧纍纍滿洞庭如來指掌幻成形不知接引人多少祇見年

年樹色青

素馨

靈根疑自廣寒移細刻冰盤綴綠枝性愛晝炎酣短簾花宜晚  
吐亞疏籬看來白哲梅應妬挹得清香菊未奇省識畫圖憐獨  
賞碧紗明月寄相思

扈從塞北詠懷

年來望斷大刀環客夢猶披戲綵斑一到蓬瀛迷去路兩番射  
獵許隨班君王未肯毛錐棄風雪仍餘襍被還欲寄衡陽峯  
下信塞鴻難過萬重山

何妨戴笠伴乘車平野連帷勝比閭縱少琴尊陪語笑尙攜墳  
史恣畋漁大官賜饌傳餐後御幄分鮮罷獵餘共沐恩波慙  
素食祇堪咄咄向空書

年年半載著征衣鎮日閒吟對翠微絕塞風雲天路近故園泉  
石素心違書生汗馬功何在旅夜驚鴻夢亦稀蒲柳望秋叢百  
感但看霜卉已先腓

趙表蓼公贖囊卷第四

四

熱河中元

商飈纔拂上林枝又是孟蘭設會時塞外清秋光欲滴山前圓  
月影如欹燈燃蓮葉金波轉花落經臺梵唄遲爭看中元新景  
象太平物序總相宜

徐節母左氏

巾幗有奇姿任俠同夫子破家因結客壯心猶未已慧眼議英  
雄慢賢叱羣婢醴酒偶不設恐失天下士翟門張雀羅所天抱  
沉痕典衣侍湯藥裏創糜十指傷心未亡人有孤何敢死祝融  
偏寸椽從容勿遽徙急命負遺像存亡誓相倚造次顛沛中堅  
毅每如此孺子露頭角家聲頽復起門多長者車視之良益喜  
留賓咄嗟辦宛與疇昔似好客世其家內治惟終始苦節世所

難交道今如市青青歲寒松成蹊勝桃李吁嗟孟嘗與鄭莊丈夫之倫奚足比

送宋蘭揮乞假歸省

歸騶忽整向鳴珂豈爲尊鱸寄興多  
聖意本憐思吧帖  
主恩暫許問烟蘿  
東山絲竹娛斑舞  
睢水綸竿伴嘯歌  
我亦庭闈虛覲省  
送君西去羨如何

於今詩價重綿津五老丰姿獨有神

杜祿公致政作五老詩社於商邱

三徑龍

孫叢孝竹千秋人瑞指靈椿忘憂館  
邃陳書富文雅臺高得句

新忘憂館文雅臺皆商邱古蹟

牀下頻年空仰止  
鯉庭還乞代吾申

弔李靖忠公暨子孝穆先生

陟山南去是君家  
烟靄蒼茫水一涯  
底事斜風春柳外  
年年先放杜鵑花

趙襄公賸囊卷第四

五

絳帳先生戰北門  
誰憐春草綠黃昏  
荒原收骨惟孤子  
日哭祠堂望返魂

獨歷崎嶇負母尸  
寇鋒不犯事尤奇  
一門步武成忠孝  
萬卷傳

家自得師

公有祖遺藏書萬卷

死生餘恨總銷沈  
青史難鐫一片心  
只有太華峯頂月  
廬江直照到如今

何孝婦詩

賢哉何家婦  
盡孝難其愚  
姑病不可療  
婦心猶踟躕  
顛天願身代  
中夜獨號呼  
救姑有神方  
那復惜肌膚  
剖股入藥鑊  
手刃血模糊  
柔絲喘息絕  
九死乃一蘇  
天性既激發  
鴻毛視捐軀  
祇俗賴斯人中  
幘而丈夫

祝某總戎壽  
應湯西崖先生徵

堯天甲子歷方昌瑞靄凝來畫戟香綏帶風流推素望雅歌節  
奏應清商要知聖世千城寄端籍耆年韜略長南極一星臨旭

旦文昌初宿有輝光

史記天官書文昌宮六星一曰上將

### 送嶧令楊世兄之官

天香滿袖捧除書墨綬銅章發軔初花縣春風輕拂旆嶧山甘  
雨快隨車何愁枳棘非賢地早喜弦歌近聖居孔李通門情不  
簿敢推庭訓最懸魚

### 熱河行宮應制

天闢靈奇境山圍沃野平千峯佳氣聳萬壑瑞烟橫景擅神皋  
麗風來絕塞清高涼銷溽暑宮苑飭經營位置因天巧規模不  
日成宸遊常駐輦睿賞更怡情所樂惟山水那居有棟楹  
土堦唐帝法卑室妲王程解阜薰莛奏敗漁典籍盈不須彫玉

### 趙葵夢公騰臺卷第四

六

頃何事起金莖隄遠荷香靜亭閒蘚迹輕微颺吹浪皺細雨過  
沙明魚唼吞花影鶯呼振柳聲小橋通畫舫曲嶂列層城不數  
西泠勝方知蓬島名聖懷彌暢悅帝德自安貞惠及鵷班  
未叨隨鸞輅行大官頻賜食供奉許登瀛湛露三秋滴清風  
兩夜生冰心期不改願借玉壺盛

### 送商邱宋太宰子告歸里

天中嵩嶽何巍高靄雲布濩祥風翺蔚生名世光聖治華髮功  
成冠六曹安車一旦辭闕下宸衷纒纒溫綸褒羣公祖帳東  
門道敷陳歌頌斟香醪憶昔開府江左右袞衣繡紱揮旌旄章  
貢澄波曉色靜吳淞樂土春心陶武帳不聞借頗牧文園有會  
皆卿舉巨手經綸整以暇江天鎖鑰聲無噐銓衡重寄下內  
詔望隆省眼誰能叨表率官方兼謹潔疏通典則精秋毫還朝

三載掌邦治山公啟事猶勞勞 聖明顧問常歎異矍鑠是翁  
如俊髦時行時止合天道遂返初服觀莊濠彈琴百衲快閒適  
理帙萬軸蠲噉嘈味道直堪追孔卓鏤詩亦足當韓豪羨公心  
賞樂何極不數絲竹催檀槽殷勤報 主情未艾相門接武多  
鳳毛公卿袞袞世可嗣緒如繹繭抽長纒吾徒時願覩此樂籃  
輿肩昇從公遨尙有蒼黎翹首亟冀爲霖雨流恩膏

題畫蘭贈同年孫漢瞻

九畹同根思舊譜一叢入畫見新詩但教護得幽香在發放秋  
風正未遲

和毅菴先生初度韻

家慶應開畫錦堂偏聞塞笛弄伊涼人因愛日驚添歲天又新  
秋悵各方無酒自酬青鳥使有詩還寄白雲鄉我生百感期相

趙葵謨公贖靈卷第四

七

近余小先生一歲而初度僅後七日極日瀟湘月似霜

題西君畫

柳帶秋容草帶烟拒霜風骨澹逾妍涉江欲採津難問指點灘  
蹤鷺影邊

頌曆

鳳曆遙頒紫禁中五雲深處瑞烟籠千官拜舞三呼肅一統車  
書萬國同奉朔有天知日暖授時無地不年豐太平樂事歡聲  
溢共祝 皇仁造化功

同年楊祇文祖母陳太君節壽詩

武陵閨閣冠重湖苦節偏鍾女丈夫纔得吹簫辭鳳侶未曾返  
晴失鵝雛竹枯幸有孫枝茂蘭茁全憑勁草扶八十餘年芳躅  
在手攀綽楔效膏腴



庚寅七月題西君畫牡丹翠竹圖

徐熙風骨文同筆翠點寒梢墨作團爲愛此君瀟洒甚澹妝國色與盤桓

洛陽豪貴鬪穠姿獨洗鉛華意態奇梅叟當年原有句竹陰水

照更相宜

聖俞牡丹詩竹陰水照增顏色

壽定州王閣學太翁

雄才舊望壓幽燕甲子初周祝大年自是神仙娛畫錦不將姓氏上凌烟堂前絲舞蓬萊地階下花承雨露天咫尺沙隄迎紫氣德門流慶正如川

恒嶽千盤擅地靈虬松老幹自亭亭蔭培玉樹依鸞掖森列蘭枝步鯉庭四葉人占星象聚三台座接袞衣馨 聖朝爵醕推隆禮攬盡春光醉醪醞

趙葵公騰薏卷第四

八

瑞應寺並蒂文光果和兩院長原韻

嘉名自叶 天章瑞珍味應資佛力融聯映奎躔誇藝圃雙檠珠顆出琳宮筠籠早上蓬瀛島絲筆今推燕許公好就新詩占吉兆絲綸並掌紫垣中

題楊總戎紀恩圖

虎拜承恩御苑游芙蓉香裏漾輕舟看花不借春風送近水彌知 聖澤流雪藕冰桃頻摘賜雲隄芳渚許遲留他年麟閣丹青手認取身曾到十洲

塞外對月和韻

極目羊腸可若何偶然對酒復當歌清樽邀月知朋少好句貽人得和多幸有雁羣來朔塞總如蟻夢到南柯愁心欲借冰輪洗映取恩光太液波

月在今宵得幾何那堪絕塞起悲歌驚心但覺秋容老過眼空  
憐夜景多網脫免兒能擣藥斧餘桂子易成柯廣寒不比人間  
事瀉盡清光委碧波  
獨對良宵喚柰何強爲吟嘯未成歌披雲只恐雙清少掬水方  
知一勺多恩重大官頒玉饌讐分細楷熟藜柯九天早奏霓裳  
曲不借銀橋萬丈波  
淒涼此夕更如何羈旅年年獨寤歌一痕清輝圓日少幾番佳  
節別來多碧天水浸迎霜草翠嶺烟迷落葉柯欹枕無聊成短  
夢月明又照洞庭波

花月詩

小庭月浸淨無塵低亞花枝點綴新月似戀花偏窈窕花因媚  
月更精神平章月色花香品珍重花前月下人憐我未酬花月  
債舉杯邀月伴花身

趙葵萼公贍囊卷第四

九

月當初上晚涼侵花是將離動客心綽約花魂流月影澄鮮月  
魄護花陰好花靚面誰賓主明月窺人自古今惆悵花晨同月  
夕獨招花月訂知音

瑞紅鳥

雙棲小鳥戀芳藂彩翰天香瑞正同色借朝霞凝宿雨影分夕  
照怯秋風羽毛許附丹山翼飲啄何辭白鶴籠世上漫誇名字  
好一枝先占畫圖中

壽東平王母薛太孺人

丙戌進士  
王坦祖母

獨歷冰霜八十年完貞全孝兩堪傳柏舟有賦悲黃鶴馬鬣誰  
封泣杜鵑辛苦將雛珠作樹清芬絲鬢玉如仙 聖朝表節由  
來重綽楔高懸碧漢邊

月冷霜清浸碧天歲寒松柏久忘年山河象服傳家貴門巷烏  
衣恃母賢有婦冰心還步武生孫健翮早聯翮恰逢愛日椒觴  
暖引得春風入管絃

塞北口占

秋高塞迥景蒼涼斗帳荒原擁小牀浪皺輕羅千嶂雪寒侵薄  
絮五更霜馬嘶遠近人聲亂燈火高低夜燒長每聽曉鐘眠不  
穩宮門早啟駕驪黃

曹母顧孺人六十節壽

縹緲仙人姑射峯滿身冰雪對寒松鏡翻雲鬢孤鸞影夢斷金  
闈化鶴蹤子建才名初卓犖大家風範自春容霞觴此日添春  
色閨苑笙歌隔幾重

壽吉水李右上下六十

辛卯六月

趙葵萼公贈葵卷第四

十

咫尺丹成百歲觴萼周花甲算逾長才名世豔清平調闕閱人  
推柱史藏綺戶薰風披畫錦綵衣旭日耀明璫遙知水碧荷香  
處氤氳蓬壺接九閭

甲子初週介壽觴罍恩玉井吐蓮芳佳辰獨取鵬搏息永晝偏  
宜鶴算長天上盤根推鉅族人閒珠樹侍高堂百年三萬六千  
日六數相乘正未央

壽洪崑霞太夫人

紫泥封下五雲邊壽母承恩華祝年鶴髮康強宜象服鸞章燦  
爛映魚軒黃堂治績慈幃訓彤管徽音奕葉傳此日稱觴先拜  
闕鏘鳴環佩謝堯天

賀安徽廉察楊宜君

帝簡才名掌外臺遙瞻法曜映三台風清雁代屏藩峻雷動江

天榮戟開桃葉水深明似鏡  
雨花烟暖馥如梅使君德政應相  
匹看取庭槐次第栽

賀偏沅撫軍潘書原

學士承恩建節旄先聲雷動楚天高  
文章舊價推冰鑑苗黍新  
陰望雨膏預識威稜齊富范敢期約束視蕭曹  
聖朝欲試調羹手祖帳何人解佩刀

蘇詩題宋強齋倚竹圖畫中柳處與不長賦音韻

強齋辛酉舉於鄉乃家大夫所得士也哀然解首強齋  
無喜色旣而十上公車不第亦無愠容余閒與晤對見  
其靜氣溢於眉宇有浮雲富貴夷然不屑之意司鐸睢  
水將一紀矣寒瓊冷帳左圖右書暇則以詩自娛其訓  
士也力行教化董課以時薰其德而善良者益眾歲辛

趙襄夢公贖羹卷第四

十一

××十

卯以報最來京師余復相見於邸舍襟懷沖澹絕不異  
曩時更出一小照示余修竹萬竿綠陰如幕科頭衫服  
擁石攤書不必作阮家青白眼而笑傲之致可掬蓋不  
惟肖其形并肖其神矣屬余顏曰倚竹圖余不工書倩  
同年徐子壇長題之而余漫爲短句綴其後

森森萬箇碧琅玕直節虛中耐歲寒不是知音誰結伴  
雙清心跡畫圖看

天寒袖瀟獨精神瀟洒風標迥出塵  
水竹有心相映帶永嘉詩句是前身

壽周福寧鎮

書原

凌烟閣上有誰儔黃髮威名播九州  
澹泊武侯惟羽扇風流叔子一輕裘  
閩疆自近蓬山界虎帳常聽海屋籌  
更羨鷓鴣雛棲玉

樹斑衣遙舞鳳池頭

恭和

聖製春寒梅遲

癸巳正月十六日

韶光早屆看梅時寒勒東皇放萼遲萬點碎瓊凝黛幹一枝小

玉鎖烟絲月移瘦影人初覺風過含香蝶未知取次上林開似

雪陽春已布九天詞

恭祝

萬壽詩

雲開閭闔日中天臣庶嵩呼

玉陛前三月三春方履泰六旬

六甲正乘乾軒皇厯算周初度夏后書疇錫大年盛事直超千

代史拜颺敢進九如篇

天經地義蘊

皇衷六十年來孺慕同手足鴻圖兼創守心承

趙襄公賡襄卷四

三

家法每謙沖

三朝謨烈光千載萬國尊親奉

兩宮大孝德

隆膺上壽虞琴長是播薰風

五紀垂衣化日長太和元氣本無疆蠲租分歲周星野解網回

春滿棘廊天自好生

君合德

帝惟仁壽曆增祥龐眉白叟

霑恩久傳語雲孫戴

聖皇

至治光華與日新健行不息體天真敕幾陶鑄唐虞典游藝窮

探河洛津肝食宵衣時儆惕

龍章鳳質倍精神由來壽考推

無逸喜卜吾

皇億萬春

物阜民豐久化成

深宮保泰更持盈尚衣浣濯頻供御玉食

珍奇盡卻呈祇爲

聖心常惜福可知儉德是長生海籌添值

歸餘歲餘慶年年介壽觥

昇平典禮煥丹青

手詔重頒戒百僚愛

主但將忠孝盡祈

天惟在雨陽調 君王不尙陳諛頌草野何能祝 聖朝聽取  
同聲呼 萬歲微臣珥筆採衢謠

壽同年王枚孫母甯太淑人六十 癸巳十一月

堯天甲子正舒長華祝筵開畫錦堂壽母於詩稱燕喜坤元在  
易贊含章山河象服 新綸寵門巷烏衣奕葉昌恰值黃鐘初  
應律蓬萊佳氣接春陽

賀陳苟少職方榮卜新阡

鰲峯鬱鬱有佳城堂斧規模手自營山互太行雄地脈河分底  
柱壯寰瀛朝元五氣星躔合 堪輿家以五星歸垣 拱木千章兩  
露盈坤德歸藏宜吉土發祥蘭桂振家聲

陽城閎闕迴無前攬秀鰲峯起墓田山水縈回眞勝地烟雲擁  
護別開天帳穿疊疊千絲繞珠貫纍纍百琲圓 堪輿家以穿帳層疊爲百珠編

趙襄夢臙囊卷第四

吉

貝富貴逼人 多輻輳青烏誰是識牛眠

題友人小照

萬疊烟嵐萬頃波萬花深處掛藤蘿一竿自得濠梁趣何事寒  
江買釣蓑

天然圖畫出天都黃海霞光映日鋪箕踞科頭盤石上奇觀收  
盡錦囊無

壽吉水李母姜太安人七十

尙書門第由來貴壽母樽觴此日開七十上齡逾甲子尋常行  
樂勝蓬萊花迎掄翟 新恩重露浥蘭蓀舊德培遙望春暉頻  
拜舞西池霞氣映江梅

壽陸質翁七十 新孝廉陸榮程之父

金風玉露報新涼東閣筵開介壽觴入洛才名人似舊過江門

第世宜昌蚌胎早吐珠雙顰鶴髮仍攤書一牀喜值華封三祝  
歲堯天甲子正悠長

壽楚撫劉玉翁六十

晴川閣上響雲璈瑞靄遙凝畫戟高節鉞威名齊斗極江天鎖  
鑰靜寒濤恰逢獻歲看麟紋更喜承家有鳳毛甲子一周期未  
艾年年春色醉仙桃

壽兩粵制軍天翁六十

風清百粵鎮南天斗極光浮檠戟邊六攬海山皆壽域二遷節  
鉞甫耆年箕裘奕葉承 恩舊棣萼連枝得氣先望重吾宗稱  
愛日喜吹玉律暖華筵

題邵甘來小照 調寄滿庭芳

小小茆亭綠楊深處蕭然名士之家圖書滿案老樹蔭周遮箕

趙表蓼公贖囊卷第四

丙

踞科頭獨坐青眼對疏竹幽花風流甚東陵遺派山畔課鋤瓜

堪誇早摘就一筐寒玉五色團砂是邱園經濟泉石清華消

受詩狂酒渴何須倩琬液冰芽偏愁絕瓜期至矣爭許戀烟霞

壽賈奠坤太夫人七袞

堯天華祝曆方長壽母筵開戲綵堂天上恩榮餘愛日人間樂  
事應韶陽成名令子能歸養步武文孫並擅場爭羨瑤池仙咫  
尺珠湖春水正汪洋

壽癸巳孝廉王佩璉太翁窳園五十

堯天甲子曆方長處士纔稱半百觴愛日當年勤菽水吟風夙  
志見羹牆鯉趨獨授兼經業鸚薦先傳一瓣香遙憶江南春色  
好枌榆介壽滿槐堂

甲午七月二十日恭和

御製賜浙閩總督范時崇詩

世胄策勳銘夏鼎 天章褒德念周楨  
黃扉遠記從龍業 青史長垂仗節名  
兩地山川留舊愛 一門旌鉞見雙清  
南行拜誦君王訓 忠孝傳家益矢誠

甲午八月初七日恭和

御製賜予告提督馬進良詩

虎符初解佩麟閣有餘威 恩賁雲霞札  
功書日月旂歸輶 秦樹近華袞 御香  
微戀闕丹心在猶時理鐵衣

題西君先輩呈太恭人萱花海棠白頭圖

墨妙元無價承歡更有情 花陰餘愛日  
羽族亦嘉名 毫素天真露庭階淑氣生  
北堂清賞處點綴小蓬瀛

和西君白題畫蘭卷

趙襄公贍囊卷第四

五

故園風景寒梅落後有芳蘭 領受催花  
雨春透檀心看絳舌垂微吐小亭臺靜  
香斜度 自來京國紅塵在 萼別芳姿  
十年修阻乍展輕綃見無數花魂飛舞  
宛江皋故人重覩

所南遺韻縱橫墨掃儘天真 爛熳神軒  
舉滿幅清芬早引向湘汀沅浦肯低迷  
艾蕭爲伍 美人千里同心臭似折芳馨  
憑誰寄與寫入冰紈穩教免當門鋤去  
謝東君是花盟主

壽同年王庭曙太翁丞右年伯七十

十五年前得良友金蘭氣誼周旋久長  
安邸舍每聯牀歌呼祖張且擊缶相憐  
丈夫遇合難親老家貧心事負期以顯  
揚報所生丁宦努力常在口我於甲申  
過眞州登堂拜翁再稽首是歲翁已登  
耆年開筵命酌禮意厚湖海胸襟山岳  
姿笑彼局促軼下走與酣揮翰亦揮弦  
吟風弄月窮奧藪方知家學有根源幾



見松柏生部婁彈指流光又十年天涯兄弟仍聚耦爲言翁年  
行七十矍鑠豪爽尙如舊森森玉樹滿階除荀氏八龍將進酒  
道遠何以侑一觴敢述素心爲翁壽

恭和

御製賜將軍潘育龍詩

宿將威名任統戎宸章寵錫勵寅衷月明漢壘清刁斗風勁  
秦關響角弓邊戍謹傳天子詔聖心厯記老臣功承恩不  
數淡烟畫虎拜雍容白髮翁

恭和

御製賜將軍吳英詩

酬勳天藻遡當年渡海何須造鐵船戰捷澎臺銷蜃氣威行  
甌越洗狼烟到今彈壓三山靜此際恩榮百世延報道將軍眠  
食健九重南顧更訢然

趙葵公贖藁卷第四

六

題杜紫綸畫卷

深情聊寄小山詞雙燕偏留花落時但取傷春莫傷別司勳刻  
意總相宜

長安花事悵迷津墨雨猶能洗麴塵豆蔻春風新得句可應添  
作畫中人

一卷新詞百斛珠蘇黃骨格柳秦腴卻教寫入丹青裏覲面風  
流似得無

賦得三十六宮都是春應制

乙未正月二十四日

八卦機緘本渾淪化鈞獨運滿乾坤一陽初動天心見萬物咸  
章大義存炭入洪爐憑冶鑄梅開雪嶺識寒溫此中會得羲皇  
意到處春光有妙門

庖犧奧義費研摩六六相乘卦畫殊卦本象儀因有數以乾一  
至坤八  
位數合計之  
得三十六 畫分奇偶亦同符八卦奇偶之畫合  
計之亦得三十六 地中雷起陽  
初動天下風行陰漸敷識得循環生意在乾坤隨處是洪鑪

春歸應制乙未三月  
廿九日

三月春將盡清和欲屆時綠濃楊柳渡紅綻牡丹枝南陸行躔  
近東皇返駕遲試吹姑洗律已向管中移

題蠟梅山茶圖

隨意花枝有化工色香全在寫生中何須更著丹黃筆渲染冰  
天曉風

題阮少司空羅浮香夢圖

敬亭山前溪水綠羅浮峯尖積羣玉兩地梅花真鉅觀百丈冰  
雪消塵俗先生家在敬亭閒舊遊訪勝羅浮巔寒香細嚼心脾  
沁故交新友相忘年三十年乘掛胸臆逸情長共烟雲逼月明  
林下清夢遲特托丹青記疇昔師雄幻事那足誇寂莫春風問  
酒家何如先生調羹之妙手眞賞不負山中花

趙葵公騰囊卷第四

七

江城五月落梅花應制乙未七月  
初五日

五月風光似早春落英霏雪滿江濱爲聽玉笛聲中度一曲清  
香洗俗塵

笛聲縹緲楚江隈長夏能教春色回料得知音人獨解曲終還  
有暗香來

西君前輩奉 敕畫羅察白茶依韻題

青蔥寫入素綃寬種自西蕃進大官 御苑結艮成玉圃嘉蔬  
清味勝龍團 君王菲食心怡賞學士揮毫勢鬱盤題尾愧無  
山谷句摩挲猶作菜畦看

乙未八月恭和

御製餞大學士李光地暫回閩省詩

綸扉翼贊藉鴻儒辭闕承 恩念弼謨幾載私情今日允十行

御札自天敷效忠父子同金石論道 君臣合節符拜誦 帝

歌應悚惕莫虛 聖主望征途

余既從諸臣後恭和

御餞安溪夫子詩但率爾應制未暢所懷因依原韻再賦四章

聊以言志

千載宗風閩洛儒十年相業禹臯謨身經百折心難轉道際三

陽氣自敷宣室屢前 天子席平泉暫謝令公符此行端合先

民矩豈視台衡作畏途

賢相名高君子儒仰承 主德效臣謨宣勞久以股肱竭論道

趙襄公賡囊卷第四

大

獨將心腹敷三九年華成宦蹟

夫子自言戊辰迄今歲周八千三九中閱遭際亦分三節

驛路速郵符門牆下土偏惆悵立雪空思賦載途

忠愛天成命世儒一生拜獻盡嘉謨雲雷屯險才堪濟霖雨昇

平德式敷輔相自能通易象折衝何月讀陰符 君王念舊彌

恩眷撫手丁寧戒遠途

身任斯文闡曩儒體裁渾噩繼三謨榕村制藝傳燈遠鹿洞遺

編講席敷知止善隨時序退辭榮遙見德充符不材社櫟從繩

削敢負心期廢半途

恭題

御書松風二字

乙未八月十七日

龍虬天矯鶴清標吟嘖乘風下碧霄謾謾聲從毫素過森森影

向壑池搖韻高天籟三冬足筆走雲濤萬壑朝一自 奎章揮

洒後卷中長聽奏咸韶

恭題

御書任年華三字

乙未八月

鸞箋才展墨華浮 帝揭三光照九州  
筆轉洪鈞看獨運 心通造化與同游  
人閒甲子春常在 天上星辰歲迭周  
妙道盡歸宸翰裏 年年長聽海添籌

恭題

御書時靈光

乙未九月十三日

乾象昭回星斗麗 天書揮洒鳳鸞翔  
燄光萬丈浮靈寶 千年護墨香魯殿  
昔聞延壽賦 藥宮今見 紫宸章  
歸然人在雲深處 日繞爐烟侍 玉皇

題蟠桃圖

趙葵公贖囊卷第四

九

度索山頭桃爛熟 緋囊翠帶自交妍  
玉堂寫就丹初轉 御筆題成墨正鮮  
地接仙都原咫尺 花開歲歷記三千  
羨他春色年在長 占陽和雨露天

過雙蓬山和前輩諸先生

山頭怪石影穹窿 雙立平開似短篷  
蒼翠縱橫千疊浪 烟雲離合一帆風  
連檣鳥道疑爭渡 掛席虹橋欲躍空  
應笑愚公移未得 松濤吹送任西東

題魚戲落花圖

嫩綠垂楊水一涯 小桃斜倚鬪芳華  
笑看雙燕驚風處 下有魚戲落花

平池新漲色如藍 魚鳥親人趣獨諳  
若許烟波浮一葉 消他春思在江南

恭和

御製上元前二日立春詩丙申正月十二日

韶光先映九華燈，臘盡輕寒氣尚凝。莫砌未全舒曉葉，玉河應

漸泮春冰堆盤生菜，嘗新味翦綵為花。讓巧能喜值芳辰，瞻

睿藻青郊火樹卜豐登。

送董人中世兄之官蒲州

除書新下五雲邊，治譜遙從三策傳。蒲坂山川風近古，蘭陵閔

閔仕逢年優游政績同，河潤灑酒清心理。瑟絃早播循聲夔峽

去高堂西顧一軒然。時夫子任川東監司

賦得禪房花木深

精舍多幽趣，芳菲景更幽。幾重花影散，一望樹陰稠。逕逐香風

轉，人逢暇日遊。頻教展齒折，隨地足旬留。

趙葵公騰囊卷第四

塞外聞黃鸝丙申四月廿四日

薰風塞草正萋萋，熠燿倉庚巧試啼。綠樹陰中聲宛轉，青山障

處影低迷。抑揚歌吭珍珠串，鼓吹詩腸彩筆題。策馬平沙添逸

興，好音流過數峯西。

題西君前輩贈佟鍾山墨牡丹畫軸

筆底名花別樣開，不將脂粉浣瑤臺。墨雲繚繞春風細，自有天

香冉冉來。

梁谿華鸞湖先生崇祀鄉賢詩先生名亦祥己亥榜眼有幹旋江南奏銷一事

龍山驚水擅風流，天上遄呼記玉樓。始進萬言成七步，平生一

事足千秋南齊孝德家，聲舊先生為南齊孝子華寶之裔北闕恩榮史冊留。

聞道膠庠初薦俎，幾人迎拜哭西州。

五十年前舊典型，如公真不愧科名。兩朝拜獻回天力，六載

綢繆報國情襟被自甘冰暑冷葢棺方信玉壺清汲將泔水供  
芹藻尸祝高風起後生

祝王松岩六寸初度次白壽詩原韻二首

松岩名猷其子館於西君前輩家

處士高名久蔚然門前多轍薛成瓊說詩休上人精舍飽飯文  
中子薄田無意朱顏尋藥駐有時青眼對花眠庚申底事通宵  
守甲子行看過歷年

江南野水樂閒鷗嘯傲靈驚白髮秋靖節琴書清興在尙平婚  
嫁素心酬能超世網觀三昧自足天機息百憂聽取枌榆齊進  
酒夜闌忘卻數更籌

題西君前輩畫蟹

丙申十月

畫蟹畫生難畫熟今看蟹熟宛如生要知火候工夫到湯鑊蓮  
花信手成

趙葵公謄卷第四

三

螯跪分明絳雪鋪此身端合轉丹爐讀殘爾雅知名久不怕江  
頭誤蔡謨

香稻早輸臍白玉桂薪初鑄殼紅銅箇中風味難描寫分付詩  
筒與酒筒

送彭閣學館師遷葬回里

隆時爲臣易終身孺慕難豈不戀闕廷所懷在故山堂斧榮

夢寐方舟下急湍大河清且泚少室幽以寬自是還鄉樂猶餘  
憂國顏臺閣歎歷久恩重志行完夙心抱朗朗月映千峯寒

文柄煩在握冰鑑羅琳瑯目空四照閣身上百尺樓感人惟素  
惻遇物若虛舟帝簡掌絲綸肄士臨瀛洲曾隨執經末昂勵

準前修方期金甌卜旋見華簪抽勇退古所難全名復何求吁

嗟典型遠嵩高路悠悠

和西君前輩白題墨菊

雨沐風梳曉露餐菊花初放桂花殘黃金散盡憐無色搗就元  
霜換錦團

詩中有畫畫中詩摩詰前身定不疑卻笑丹邱新意好青城學

士代題詞

見黃鎮成  
墨菊詩

蕭疏墨暈吐芳葩依約柴桑處士家昨夜白衣人未到緇塵先  
染隔籬花

漫傳服食便通神寄語南山採摘人好時花漿堪入硯畫來原

是此花身

好時出墨菊  
汁可作書

金紫紛紛品若干獨尋三徑舊盟壇松滋新博封侯貴招隱同  
時並拜官

老圃秋容取次成一枝曾映御袍明墨池換得新顏色鐵面應

趙葵公贍藎卷第四

三

加柱史名

骨傲清霜葉葉攢輕烟如幕影團欒羞教郭杜繁花見函谷封

泥請一丸

送李吏部卓菴乞假還蜀

銜衡清望接三台休沐承恩畫錦回吏部文章新閱闕西川風

景舊樓臺耽閒豈為萼艫好掃徑還將松菊開最羨兩番羅王

筍春明祖帳競銜杯

輓鄭母席夫人

生來巾幗傲鬚眉景仰慈幃令母儀琴瑟靜隨君子御詩書珍

重後昆貽秦樓玉碎驚新夢蜀樹鶉啼感舊思會見馳封賣泉

壤好憑輿論記豐碑

牡丹詩

灼爍朱英照檻妍朝酣國色畫中傳自矜富貴無雙豔共羨團  
圓第一仙晴日烘開天正午晚霞簇上月初圓鞠場鬪采應驚  
絕輪盡人閒白打錢

大紅毬

遊戲南華夢化時舞衣栩栩洛園枝晚來露濕愁飛倦雨過苔  
侵欲蛻遲金谷樓前身綽約綠紗窻外影迷離莫教鳳子驚紈  
扇一入花叢雨不知

綠蝶

姚家種占洛陽春金粟如來現化身風格正宜歸淨土光明端  
不受緇塵折當繡佛香爲供繪出天花筆有神謾道法輪空色  
相一枝曾映御袍新

佛面黃

一點胭脂巧染成宛然纖指落紅輕可憐芳印年年在最愛香  
痕片片明天寶記中傳異事仙春館畔賜嘉名太真手澤終難  
閒留與詞人助寫生

一捻春

趙葵萼公贍藁卷第四

三

又七十一

平頭千葉鎖春光

牡丹譜左氏家千葉紫花亦名平頭紫

疑是綉封出尙方蜀國

綺裁新結束武都泥裏舊縑細楊妃佩去香塵冷李賀攜來錦  
句長占得風流詩畫在花王應傲紫微郎

紫羅囊

壽維揚程蝶莊封翁

壽富兼居五福先錦堂圖畫總天然心閒計范經綸遠手老鍾  
王格力妍況有星辰誇聚德何須甲子記生年雪深門外人多  
少咫尺春風勝過仙

再送館師彭閣學

十丈紅塵汗漫游幾人廊廟憶林邱雲梯月窟難飛步雪浪風  
帆易放舟獨守素心招壠鶴早還初服狎波鷗歸招載得君  
恩重不羨當年萬戶侯

臺閣丰裁仰大方志惟報國有文章春風鎖院掄元手

甲戌丙戌先生



分枝禮闈兩科  
殿元皆出門下  
明月錢塘選土場  
先生視學兩浙  
千頃澄波懷叔度  
一絨垂露識孫陽  
栽成桃李尋松菊  
清興應隨化日長

壽侍御吳篁村太夫人七十

鍾郝芳聲自昔傳  
獨兼五福引萱年  
繡衣新耀萊衣綵  
彤管重揮銀管  
編景讓垂魚  
遵母訓伯鸞  
舉案似賓筵  
可知咫尺神仙地  
家在瓊花后土邊

賀東昌守楊元統

三刀政績膺褒擢  
五馬風流號世家  
棠蔭祖孫相濟美  
楓階父子並升華  
承恩不數崔門戟  
接武應嗤衛氏駟  
指日鋒車還報最  
滿庭金紫燦雲霞

甘忠果公新祠詩  
丁酉三月應慎紳士徵

嶽嶽廟貌享明禋  
六詔謳思舊事頻  
血染戰袍臣力竭  
名垂汗簡國恩新  
重臨節鉞仍華胄  
永勒鐘彝啟後人  
峴首碑前清淚落  
千秋直道在斯民

趙葵公騰葵卷第四

十四

免胄交綏膽氣豪  
將星欲墮陣雲高  
一門殉節同茲日  
前路降旗笑爾曹  
自是素心存馬革  
誰能授命等鴻毛  
於今堂構重輝映  
子孝臣忠荷 寵褒

和宮詹前輩恭詠

御製木紙扇  
丁酉五月

輕勻如紙色  
淨空削哺見後漢書  
生新造物工  
七寶雕裝形  
未肖九華裁  
製體難同清涼  
髮髯亭皋下文  
理霏微水石中  
本是 聖

朝楨幹器幸供磨  
斲奉仁風  
薄於紉素滑於藤  
剡木神皇見未  
曾鏤月尙疑柯  
影動流風猶帶  
樹香凝光搖雲  
母分子片巧上天  
孫更一層開闔  
陰陽歸掌

握不勞塵尾獵癡蠅

壽楊孟班曾大母陳夫人九十初度

冰霜何皎皎松柏何菁菁  
歷歲不改柯苦節原可貞  
根實滋以茂枝條發其英  
武陵女丈夫宇宙閒氣生  
太邱傳淑範相門百兩迎  
問寢潔滌灑舉案耽布荆  
無何失所天矢志比程嬰  
辛勤抱遺雛雛長復喪明  
世事值滄桑蝸蟻與沸羹  
子婦皆不祿妾緯淚縱橫  
兩孫待舍飴形影嗟零丁  
繫母兼怙恃森森玉樹成  
初賦柏舟詩三十暮未盈  
險阻實備嘗炎涼幾變更  
朱顏已白首鬢眉罕抗行  
誰爲闡潛德韞璞光晶瑩  
家君撫南楚拜疏請特旌  
賜金建棹楔里閭兀崢嶸  
文孫我同譜飛鸞振家聲  
曾孫及吾門弱冠登蓬瀛  
母年今九十謀以介壽觥  
因語母曾孫造物猶權衡  
母操如冰霜冰霜久逾清  
母節如松柏松柏無彫

趙襄公賸囊卷第四

重

又十一

榮歸然峙靈光萬古綱  
常撐君家一綫脈保障  
夫人城後昆加培植爲母增  
令名轉盼百歲坊永表  
盛世禎

恭題

御詠暮春絡緯圖次韻

丁酉九月

蟲聲占物候催喚續筐盛  
又見蠶眠箔還隨鶯囀  
笙穿花雙翅濕栖翠一枝平  
香藻敷仁育披圖感好生

送孔象九之官常山

新捧除書日月邊  
拊循百里正需賢  
家承北海饒經濟地接西江

藹誦絃競巧繭絲  
寧政拙紛來案牘  
費精研鋒車看騁驎  
駟足前指康莊快著鞭

題畫

滿天風雪行人少  
遍地瓊瑤畫景多  
最愛柳州詩句好  
江山清

絕一漁蓑

竹色山光萬翠叢合江亭上雨濛濛楚天無限蕭騷景盡在生綃片幅中

天門前輩河上竣事將圖南歸和原唱以送

浮空幻影一杯蛇顛倒人生亦有涯松菊未荒元亮宅圖書猶富惠施車憑將白眼爲嘻笑贖與青山自咄嗟淒絕客中先送客春風不帶舊栖鴉

冥鴻休慮弋人多矰繳驚心隙駟過甘讓名場推傑子閒尋勝地閒貧婆蠹叢已歷崎嶇路鷗夢仍遊浩蕩波我亦無官歸未得獨依鴛棧聽驪歌

曠達常師阮嗣宗賢勞暫學鄭司農隄頭竹箭平千尺岸口桃花束幾重畿甸經年秋汎穩故園此日臘醅醲歸心已逐江潮

趙襄公贖囊卷第四

美

又

去酒社詩壇任合從

三世交親非泛與十年聚散不堪論寂寥舊雨憐恩地珍重家風嗣相門磨蠍同宮齊遇劫亡羊歧路黯銷魂何時搔首青天外雪盡鴻飛沒爪痕

送江蘇觀察李鹿山

戊戌三月

久瞻福曜臨吳會再拜新綸約漢章冰上吏行遲夏日鏡中人在潔秋霜于公德種高閣駟召伯恩流聽訟棠節鉞還期依故履江天長見袞衣光

塞外遙哭亡兒伶徵

彼蒼何事酷吾兒萬遍沉思杳不知轉眼已驚成死別回頭還記是生離悲來祇在尋常處痛定難逾十二時淒絕塞垣孤館暮吞聲彈淚洒涼颼

分手恩恩思黯然臨歧送我更纏綿也知半載難爲別誰料今生已絕緣汝歿吾纔聞汝病吾衰汝不待吾年斷腸欲斷傷心淚須到他時會九泉

此身踪跡等浮雲百事憂煎賴汝分顧我清貧謀典貸愁子疏懶代辛勤行裝歲歲封題密家問頻頻慰藉殷今日不堪開篋見相逢如夢泣斜暝

探得金環識故吾再來人定不模糊淚書猶漬前身骨

癸酉之春次子

保馨篤余以愛緣未割滴淚和墨書其臂是秋在兒生知卽保馨後身也孩笑疑還舊掌珠初度命

名哀鞠子

兒小名環馨家大人所命取羊叔子故事

彌留訣母怨將雛兒臨歿呼其母云母爲我

兩世娘矣今尚欲活我耶三生石上精魂在兩世情緣解脫無

追隨大父廿餘年左右依依劇可憐布被褐裘教屏當書籤卷

軸付排編每聽曉漏驚先起常伴寒宵竟不眠短折未終娛老

趙葵公贍囊卷第四

毛

志哭孫雙淚日潺湲

題西君前輩墨畫十二幀

戊戌七月

貌得飛瓊閬苑還銖衣雲珮態閒閒韓湘金碧非三昧梁廣丹

青祇一斑未破蒼烟迷曉鬢盡收紅雨淡春山天香彩筆連城

價誰是豪奢買玉顏

杜

攬盡穠華夏景深東籬芳信到牆陰參差晚節愁無色漏洩秋

香別有心三徑琴尊應預賞重陽風雨不相侵更憑換骨神方

力好時花中仔細尋

六月菊終南好時出墨菊

弱態低隨宛轉歌烏江遺恨未消磨祇今花亦知人意自惜虞

兮柰若何舞勝風前楊柳細淚分雨後海棠多青陵怨魄堪同

調寫入輕紈伴楚娥

虞美人蛺蝶

素質凌寒迥出羣山茶色態亦平分寫生直欲欺冰雪繪影何

妨寄墨雲二妙尹邢元不妬雙清樂衛有餘芬花魂若肯相招  
引夢到羅浮日未曛梅花山茶

叢桂香殘菊未開漢宮秋色影蒼苔綃痕薄皺蜂鬚卷錦片斜

尖燕尾裁芳徑平扶樓洞館并刀纔落滿亭臺蜻蜓款款花前

舞知爲通靈筆墨來剪秋紗

最愛芳名火齊同呂靖韻集攻半含蓓蕾嫁東風品香暗麝湘

簾外選色幽蘭澧浦中樂府集沅澧所生一自淡粧能絕代不

須渲染更窮工分司御史休狂語錯認新花是舊叢玫瑰

狼籍春紅憶海棠別開柔豔占秋芳嫌將玉手脂添暈倩取金

壺汁洗妝擎露一枝迷蝶夢含波片影謝蜂忙偏教織女花閒

宿宛轉鳴機慰斷腸秋海棠絡緯秋海棠一名斷腸花

細葉纖條蕊更柔濡毫著意寫風流氤氲香沁猶存舌領略春

趙葵公賸葉卷第四

天

深欲點頭科斗未成三古字花似丁子故芭蕉同卷寸心愁何

人妙解連環結惆悵花前憶舊遊丁香

蓮花今日開生面證果前身誦法華東土墨塵剛幾點見法華經南

塘秋色已無涯靜看影淡高賢社遠挹香清茂叔家翠葢紅妝

詩句好品題未必稱名葩荷花

誰將墨雨醲花神點染雞冠別樣新報曉幾曾誇絳幘驚秋何

事戴緇塵朦朧纓冕元知幻黯淡容顏已逼真若使養成能似

木寫生還問此花身緇冠

秋到園林多豔冶金鳳飛來小立桐陰下五色九苞明月夜吹

簫人在曾同跨誰搗元霜和露洒染就雲翹點點輕烟掛鳳

子亦知尋隊也分明一幅丹山畫鳳仙蛺蝶調寄蝶戀花

萬尺質簪獨擅名洋洲一派屬彭城若非成竹胸中有那得寒

稍筆下生庭院珮環聲細靜瀟湘烟雨意分明繞枝蓮蔓心如  
鐵翠袖修篁識此情竹鐵線蓮

又題墨筆蓼花蝴蝶

寄想滄洲下筆遲疏疏紅蓼兩三枝可知明月寒溪景未是先  
生賞鑒時

蝴蝶雙雙趁曉汀尋花逐隊幾曾停蓼蟲獨自知辛苦卻笑莊

生夢未醒

又題墨筆虞美人

綽約腰肢黯淡容帳前歌舞賸芳踪多因淚洗胭脂盡冷落烏

江第幾峯

麗景芳叢百卉妍此花偏在柰何天漢宮春色今同盡休再啼

紅學杜鵑

趙葵公謄卷第四

完

戊戌六月徐編修亮直奉使琉球國冊封索詩贈行以長

句送之

帝簡鴻才柱史班手擎黃誥降中山天吳浪束蛟龍伏渤海

波搖日月閒聖代恩榮宣海國使臣風采動人寰徐陵詩思

平生健賦遍蓬瀛載筆還

銜命辭朝章服新旌麾曙色映麒麟樓船夙戒遲天使衣

錦先還拜老親正是捧觴爲壽日眞成將母作歌人長風萬里

歸帆穩何似京華十丈塵

壽奇木公太翁七十

戊戌九月廿三日誕辰

天宇秋高玉露霏大椿蒼翠自亭亭蔭培珠樹依鸞掖森列蘭

枝侍鯉庭白社久推通德里華顛遙映老人星東籬正滿黃金

色攬取芬芳醉醪醴

西君先生貽余松竹梅圖系以長句并索南湖學士和章  
寓意規勉讀之喟然次韻請正兼呈南湖先生

輪囷怪物無定駐神山離合視風雨誰爲寫生尺幅聚化工之  
筆推虞山輞川錦江伯仲閒貽我墨妙了不慳蒼松偃蹇轟峭  
壁疏竹寒梅並傑格怒發槎枒如轟霹更有長句繫此圖飲醇  
不用黃墟沾摩挲識得深情無浮生弱草棲輕塵歲寒耐久有  
幾人可共冰雪惟此君不材只合供題鳳栩栩亦作莊周夢幸  
依廣廈無折棟

壽同年鎮江葉刺史

鴻才帝簡重蕃宣崧岳鍾英本自天上相功名門閥貴外臺  
聲望口碑鮮澄清鎖鑰雄三郡揮洒江山富百篇咫尺蓬萊榴  
火豔金焦峯下聽薰絃

趙葵勇公贈靈卷第四

三

己亥五月四日爲佺兒周年忌辰余行永昌衛道中馬上

口占哭之

夜臺一去忽經年往事追思更黯然鍾愛偏伊逢短命臨歧獨  
我隔遙天靈牀此日陳蒲酒客路誰家索紙錢贏得風前千點  
淚滴將沙磧寄重泉

贈陝西制軍鄂朝宗

關中鎖鑰寄元臣半壁金湯氣象新威鎮邊疆資武庫道弘儒  
雅擅文人召周德業風詩在韓范勳名史策陳拭目袞衣膺  
帝寵漢家圖畫有麒麟

贈王仲山扇頭詩

襟懷如海氣如雲戎馬場中見君盡日春風吹四座幾年時  
雨徧三軍運籌沉默隨機膺眉盾從容草檄紛芒聽邊庭喧凱

奏漢家麟閣待書勳

題張參戎仁趾九日舉二子圖

將軍好武有奇功射得雙鷗恰兩雄應是國香同日夢偏教花  
萼並枝紅弟昆早叶重陽會震坎何勞再索宮圖入丹青爭豔  
羨可堪誇示女元戎

庚子五月解餉八里坤事竣回入嘉峪關初四日將抵酒

泉值亡兒佺徵大祥忌辰馬上口占哭之所謂長歌之

哀也

汝亡歲兩度我淚未曾住去年逢此日哭汝涼州路今年今日  
又慘淡邊關暮欲酌汝一觴椒漿不能具欲焚一陌錢囊空紙  
亦蠹祇有淚千行風吹落濛霧人生如轉轂死亦如電逐奄忽  
屆大祥妻孥將易服汝常憂婦病嬾今安且淑星命犯孤鸞紅

趙裴萼公贍墓卷第四

三

又文三

絲錯繫足朝朝啼縷帷此日舉家哭汝子亦漸長出痘無災毒  
嬉戲曾祖前聊可解頰願婦攜拜靈几拳曲學蒲伏我雖隔天  
涯遙臆宛在目亡者去日遠生者悲日續孤櫬棲空房長夜誰  
伴宿猶得撫棺號譬汝卧牀褥終當歸一坏便永離眷屬行行  
記疇昔軍中夜飛雪擁枕發長嘆乍夢與汝訣朦朧是耶非但  
痛汝天折哀慟呼我兒驚醒聲未絕涕泗尙交頤淋漓漬衾席  
知是汝魂來顧我勞行役我本厭人世况復居荒域雪霜上顛  
毛塵土和羹食傷心事更多豈能久視息顧汝乞冥司不生亦  
不滅黃泉無歧途相見還相挈入關重徘徊悽愴天中節再哭  
汝忌再長歌邊風四起胡笳裂

祝胡洛思初度

旌麾坐控酒泉郡弧矢連輝南極星蕭相勳勞垂史冊鄴侯功



德在生靈恩波千里長渠水公爲民間水利塞內外俱濬長渠墾種益廣心地雙清

雪嶺屏葭瑄黃鍾方應律滿城歌吹祝椿齡

庚子八月初十祝綽撫軍

長庚燦爛碧天遙榮戟祥光接慶霄勳並蕭曹垂竹帛名齊韓  
范入歌謠櫓槍夜落牙門掃鞬譯星羅玉塞朝恰喜中秋佳節  
近滿城絃管奏雲韶

答田霖蒼

山嶽太守寓齋晤霖蒼恂恂儒雅眉宇閒有英氣余心  
賞之曷以卒業辱長句示慰依韻奉答

筆落烟雲思湧泉肯將榮達讓時賢誰能相馬驪黃外漫看爭  
棋黑白先老我風塵投契少多君氣宇賦才全相期終奮垂天  
翼證取南華第一篇

趙襄公賡囊卷第四

三

庚子初夏于役軍前宿邵仲南新構齋中卽景漫成四絕  
一入蕭齋意洒然塵埃不到紙窗前誰知戎馬喧囂地別有桃  
源小洞天

茗椀香爐棐几橫膽瓶花影映窗明壁閒一幅秋山畫似比南  
山色更新

松石亭亭小砌中開窗如見碧山叢簷前鐵馬爭馳驟助得清  
音趁曉風

天涯到處是遷廬信宿身疑在畫圖應識軍中多整暇經營斗  
室見規模

庚子十月初八日祝毛竹菴五十初度

昔年泝湘江神交衣帶水杖策來從戎天涯適萃止相逢非所  
期把臂驚且喜多君意氣深惻愴露眞摯念我客邊庭羈棲一

無倚芻米與蠶鹽瑣屑爲布置一日如三秋命駕頻省視追述  
司鐸時中丞禮顧異拂拭首荷盤品題瑚璉器感激國士知至  
今縈夢寐邂逅天作緣宛若見昆季藹藹肝膈談我聞每心醉  
維楚固多材如君乃杞梓負此干霄姿行將蔭百里驥足騁康  
衢發軔自茲始掀天揭日功等閒丈夫事志趣各有尙要在垂  
青史方當服政年利涉無涯涘並看雙鳥飛良會恐不易持觴  
陳素心輒以介壽社

趙裘萼公贖蒙卷第四

趙裘萼公贖蒙卷第四

三

川〇X

浙江書局刊

昌校

煩校



